



FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

www.legjislacionishqiptar.gov.al

Nr.9

30 janar

2008

P Ë R M B A J T J A

Faqe

Vendim i KM
nr.42, datë 16.1.2008

Për miratimin e rregullores për kriteret dhe procedurat e dhënies
së licencave profesionale të zbatimit, klasifikimit dhe
disiplinimit të subjekteve juridike, që ushtrojnë veprimtari
ndërtimi 257

Vendim i KM
nr.45, datë 16.1.2008

Për miratimin e raportit për inventarin e skemave ekzekutuese të
ndihmës shtetërore në Shqipëri 282

VENDIM
Nr.42, datë 16.1.2008

**PËR MIRATIMIN E RREGULLORES PËR KRITERET DHE PROCEDURAT E DHËNIES
SË LICENCAVE PROFESIONALE TË ZBATIMIT, KLASIFIKIMIT DHE DISIPLINIMIT
TË SUBJEKTEVE JURIDIKE, QË USHTROJNË VEPRIMTARI NDËRTIMI**

Në mbështetje të nenit 100 të Kushtetutës dhe të neneve 8 e 18 të ligjit nr.8402, datë 10.9.1998 “Për kontrollin dhe disiplinimin e punimeve të ndërtimit”, të ndryshuar, me propozimin e Ministrit të Punëve Publike, Transportit dhe Telekomunikacionit, Këshilli i Ministrave

VENDOSI:

1. Miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi, sipas tekstit, që i bashkëlidhet këtij vendimi.

2. Ngarkohet Ministria e Punëve Publike, Transportit dhe Telekomunikacionit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

RREGULLORE
PËR KRITERET, PROCEDURAT E DHËNIES SË LICENCAVE PROFESIONALE TË ZBATIMIT,
KLASIFIKIMIT DHE DISIPLINIMIT TË SUBJEKTEVE JURIDIKE QË USHTROJNË
VEPRIMTARI NDËRTIMI

KREU I
QËLLIMI, FUSHA E VEPRIMIT TË RREGULLORES DHE PËRKUFIZIME

1. Qëllimi dhe fusha e veprimit:

Qëllimi i kësaj rregulloreje është përcaktimi i organit përgjegjës, procedurave, kriterëve për licencimin profesional për subjektet juridike që kryejnë veprimtari zbatuese ndërtimi, kategorizimi i punimeve për këto subjekte, klasifikimi i tyre, si dhe përcaktimi i të drejtave e përgjegjësive që ka subjekti i pajisur me licencë.

Licencimi, sipas kësaj rregulloreje, është i detyrueshëm për çdo subjekt juridik ose fizik vendas ose të huaj, që ushtron veprimtari ndërtimore zbatuese në Republikën e Shqipërisë pavarësisht formës së organizimit të tij.

Subjekte private a publike që kryejnë investime në ndërtime me fonde private ose prokurojnë me fonde publike kanë detyrimin për kontraktim vetëm me subjekte të licencuar, sipas kësaj rregulloreje.

2. Përkufizime:

Në kuptim të kësaj rregulloreje termat kanë këto kuptime:

“Komision” është struktura e posaçme administrative, që krijohet nga Ministri i Punëve Publike, Transportit dhe Telekomunikacionit e asistohet nga stafi përgjegjës për veprimtaritë e ndërtimit në ministri, që ka autoritetin e vetëm për dhënie, ndryshimin a revokimin e licencave profesionale të shoqërive apo vendosjen e penalteteve për subjekte që kryejnë veprimtari në kundërshtim me aktet ligjore dhe nënligjore në fuqi, brenda sferës së përgjegjësive që i janë dhënë sipas kësaj rregulloreje, në fushën e zbatimit në ndërtim.

“Licencë profesionale” është leja për ushtrimin e aktivitetit në fushën e zbatimit të punimeve

në ndërtim me të cilin ka detyrimin të pajiset çdo subjekt juridik/fizik, privat ose publik, që dëshiron të ushtrojë veprimtari në fushën e zbatimit të punimeve në ndërtim dhe plotëson kushtet për t'u pajisur me një të tillë.

“Formati i lejes” miratohet me urdhër të Ministrit të Punëve Publike, Transportit dhe Telekomunikacionit dhe njoftohen menjëherë me shkrim të gjithë institucionet qendrore në varësi të ministrit a Kryeministrit, institucionet të pavaruara, kryesisë së qarqeve, si dhe publiku nëpërmjet publikimit në faqen zyrtare të ministrisë.

“Arsimi universitar përkatës” është arsimi në degën dhe specialitetin e caktuar në diplomën e universitetin përkatës.

“K.T.Z” - kushte teknike të zbatimit të punimeve.

“STASH” - standarde shtetërore.

“Punë Publike” konsiderohet veprimtaria për realizimin e një vepre publike në përputhje me përcaktimin e ligjit për prokurimin publik.

“QKR” - Qendra Kombëtare e Regjistrimit të subjekteve tregtare.

“Kategori” - puna në zbatim sipas llojit dhe nënlllojit të objekteve, që ndërtohen ose që i shërbejnë objektit të ndërtuar.

“Klasifikim” klasifikimi i subjekteve juridikë/fizikë në nivele për çdo kategori punimesh.

“Drejtues ligjor”-personi fizik apo personat fizikë (administrator për sh.p.k., drejtor, presidenti për sh.a., personi fizik) të përcaktuar si të tillë nga vendimi i regjistrimit në Qendrën Kombëtare të Regjistrimit/ ose në gjykatë.

“Drejtues teknik”- individi/ët e diplomuar në degët përkatëse të universitetit që është/janë përgjegjës/a për ndërtimin e objekteve sipas projektit dhe në përputhje me kushtet teknike të zbatimit, sigurimin teknik dhe mbrojtjen në punë brenda kushteve të kontratës.

KREU II

ORGANIZIMI DHE FUNKSIONIMI I STRUKTURËS PËRGJEGJËSE PËR DHËNIEN, NDRYSHIMIN APO REVOKIMIN E LICENCEVE PROFESIONALE

1. Krijimi i strukturës përgjegjëse

a) Me urdhër të ministrit përgjegjës për punët publike krijohet struktura e posaçme e quajtur komisioni i posaçëm i dhënies së licenceve profesionale.

b) Komisioni ka autoritetin përgjegjës për shqyrtimin, miratimin e licencimit, ndryshimit të klasifikimit të lejes profesionale dhe sipas rastit revokimit të kësaj lejeje.

Përfundim kryhet vetëm për përditësimin e ndryshimeve apo shtesave të drejtuesit ligjor, kohëzgjatjes, emërimit, selisë apo mbylljes së subjektit. Përditësimi kryhet nga sektori i licencimit në përputhje me afatet dhe procedurat e kësaj rregulloreje.

c) Në urdhrin e krijimit të komisionit përcaktohet përbërja (kryetar, nënkryetar, sekretar dhe anëtarë), kohëzgjatja e ushtrimit të veprimtarisë sipas kësaj përbërjeje, masa e shpërblimit për pjesëmarrje dhe mënyra e informimit/raportimit te ministri. Detyrën e sekretarisë së komisionit e kryen sektori përgjegjës për licencimet në ministri;

ç) Shpërblimi për pjesëmarrjen e anëtarit në mbledhjen e komisionit të jetë nga 3 deri 5% të pagës së Sekretarit të Përgjithshëm në ministri. Kur, brenda të njëjtit muaj kalendarik, anëtarët e komisionit ndjekin më shumë se 1 mbledhje shpërblimi mujor për anëtarin pjesëmarrës caktohet nga 6% deri 9% të pagës së Sekretarit të Përgjithshëm. Kryetari shpërblehet me një shtesë të barabartë me 20%-30% të shpërblimit të anëtarit. Në çdo rast shpërblimi është i lidhur me pjesëmarrjen.

2. Funkcionimi

a) Komisioni kryen përgjegjësitë në përputhje me këtë rregullore dhe aktet ligjore e nënligjore në fuqi, që përcaktojnë kriteret në këtë fushë. Si rregull brenda 20 ditëve kalendarike nga depozitimi i kërkesës në protokollin e ministrisë, komisioni duhet të shprehet me vendim për aplikim. Përfundim nga afati bëhet vetëm për rastet e caktuara sipas procedurës së kësaj rregulloreje.

b) Komisioni mbledhet të hënën e parë dhe të tretë të çdo muaji. Komisioni shqyrton dhe vendos për kërkesat, ankesat, informacionet në përputhje me kërkesat e kësaj rregulloreje.

c) Sekretaria ka detyrimin t'i përcjellë kryetarit për komision në afatet e caktuara sipas kësaj

rregulloreje çdo aplikim të dorëzuar deri 7 ditë kalendarike para fillimit të mbledhjes.

ç) Kryetari, në përputhje me afatet e shqyrtimit të aplikimeve sipas kësaj rregulloreje, cakton dhe nënshkruan rendin e ditës brenda ditës së premte paraardhëse të së hënës së parë dhe të tretë të çdo muaji. Rendi i ditës u shpërndahet anëtarëve brenda orës 14:00 të kësaj dite. Rendit të ditës i bashkëlidhen propozimet dhe rekomandimet e sekretarisë për çështjet në shqyrtim.

3. Procedura e shqyrtimit dhe vendimmarrjes në komision

a) Komisioni administron materialin e paraqitur nga sekretariati teknik, shqyrton propozimet dhe rekomandimet e sekretariatit teknik, verifikon dokumentacionin sipas rastit dhe vendos për kërkesat. Kur gjykon komisioni, ka të drejtë të kërkojë nga aplikantët dokumente plotësuese, por kjo nuk ndikon në zgjatjen e afatit të trajtimit të aplikimit. Për këtë çështje disponohet me vendim.

b) Mbledhjet e komisionit drejtohen nga kryetari ose zëvendëskryetari në mungesë të kryetarit.

c) Kur konstatohen se ka aplikime të shumta në numër me autorizim të ministrit, brenda 2 ditëve pune, kryetari, ose në mungesë të kryetarit nënkryetari, thërret jashtë radhe mbledhjen për shqyrtimin e materialit të depozituar deri 7 ditë kalendarike para fillimit të mbledhjes. Në çdo rast, zhvillimi i mbledhjes jashtë radhe nuk përjashton mbledhjet e së hënës së parë dhe të tretë të muajit të caktuar sipas kësaj rregulloreje.

ç) Mbledhjet e komisionit zhvillohen të mbyllura dhe janë të vlefshme kur marrin pjesë më shumë se gjysma e anëtarëve. Anëtarë ka të drejtën e votimit “pro” ose “kundër”, abstenimi nuk lejohet.

d) Në mbledhjet e Komisionit mbahet procesverbal, i cili nënshkruhet nga të gjithë anëtarët pjesëmarrës dhe çdo njëri prej tyre ka të drejtë të njihet me një kopje të tij.

dh) Vendimi në komision merret me shumicën e votave të pjesëmarrësve. Si rregull kryetari voton i fundit. Kur votimi rezulton i barabartë, vota e kryetarit është përcaktuese.

e) Sekretaria brenda 2 ditëve pune zbardh vendimet të cilat nënshkruhen, në çdo fletë, nga anëtarët e pranishëm në mbledhje, në 2 kopje, ku njëra dorëzohet në zyrën e protokollit, në përputhje me rregullat e parashikuara nga ligji nr.9154, datë 6.11.2003 “Për arkivat”, dhe rregulloret në zbatim të tij, ndërsa kopja tjetër në sektorin përkatës për licencimin në ndërtim.

ë) Sektori i licencimit, përgatit lejet brenda 1 dite pune për subjektet dhe kryetari i firmos ato brenda ditës. Në mungesë të kryetarit leja nënshkruhet nga nënkryetari.

4. Përgjegjësitë e sekretarisë së komisionit

a) Përgjegjësitë e sekretarisë së komisionit kryhen nga sektori përgjegjës për licencimin në ndërtim që funksionon në strukturën përgjegjëse për licencimin në Ministrinë e Punëve Publike, Transportit dhe Telekomunikacionit. Sekretaria ka këto përgjegjësi:

I. Brenda orës 11:00 të çdo dite, në përputhje me rregullat e parashikuara nga ligji nr.9154, datë 6.11.2003 “Për arkivat” dhe rregulloret në zbatim të tij, merr në dorëzim nga sektori i protokollit dhe administron të gjitha aplikimet e drejtuara në komisionin e dhënies së licencave.

II. Regjistron në regjistra të posaçëm në formë shkresore dhe elektronike çdo aplikim të ndarë sipas objektit. Licencim fillestar, shtesa, revokim, kërkesa për sanksione.

III. Verifikon dokumentacionin e nevojshëm provues të çdo aplikimi dhe e inventarizon sipas formularëve standard.

IV. Kur aplikimi nuk shoqërohet me dokumentacionin provues, sipas kësaj rregulloreje apo dokumentin justifikues që provon kryerjen e pagesës sipas tarifës së miratuar (sipas lidhjes nr.1), sekretariati brenda 5 ditëve nga marrja në dorëzim, sipas pikës I të kësaj shkronje, i komunikon me shkrim aplikuesit kërkesën për plotësim dokumentacioni. Komunikimi kryhet në adresën e dhënë nga subjekti aplikues. Komunikimi me shkrim pezullon afatet e shqyrtimit të kërkesës. Njoftimi për plotësim dokumentacioni botohet dhe në faqen zyrtare të ministrisë.

V. Kur aplikimi rezulton se shoqërohet me dokumentacionin provues, sipas kësaj rregulloreje, brenda 7 ditëve nga marrja në dorëzim e kërkesës sipas pikës I të kësaj shkronje, sektori shqyrton kërkesën dhe sipas rastit i propozon komisionit:

- miratimin e kërkesës;
- miratimin me ndryshime të kërkesës;
- refuzimin e kërkesës.

Rekomandimi duhet të përmbajë shkakun ligjor dhe rrethanat apo argumentet në të cilat mbështetet. Ai nënshkruhet nga sekretari i komisionit dhe miratohet nga drejtori i drejtorisë

përgjegjëse për licencimin.

VI. Përgatit projektrendin e ditës.

VII. Mban procesverbalet e mbledhjeve dhe i zbardh ato jo më vonë se 2 ditë pune.

VIII. Përgatit vendimet e komisionit në përputhje me konkluzionet e mbledhjeve.

IX. Kryen plotësimin e formularëve të licencave në dy kopje sipas vendimeve të komisionit dhe dërgimin nëpërmjet postës në adresën e aplikuesit.

X. Bën mbajtjen, përditësimin dhe publikimin e të dhënave të regjistrave të subjekteve të licencuara dhe regjistrave të posaçëm.

XI. Arkivimin e dokumentacionit të aplikantëve shoqëruar me licencën e miratuar që përmban siglat e konceptuesit, miratuesit dhe kryetarit të komisionit, në përputhje me rregullat e parashikuara nga ligji nr.9154, datë 6.11.2003 “Për arkivat” dhe rregulloret në zbatim të tij.

XII. Çdo detyrë tjetër të caktuar me ligj, këtë rregullore apo urdhër të ministrit.

5. Përgjegjësitë, procedurat dhe afatet për përditësimin e të dhënave në regjistër që nuk sjellin ndryshime në klasifikim për subjektet juridike.

a) Brenda 30 ditëve, çdo subjekt i licencuar në zbatim ka detyrimin të depozitojë aplikimin për përditësimin e të dhënave që nuk sjellin ndryshim në klasifikim. I njëjti afat, me përjashtim të rastit kur përcaktohen afate të posaçme sipas kësaj rregulloreje, është i detyrueshëm dhe për aplikime të cilat sjellin ndryshime në klasifikimin e lejes. Aplikimet që nuk sjellin ndryshime në klasifikim së bashku me dokumentacionin provues shqyrtohen dhe miratohen nga sektori i licencimit.

b) Kur aplikimi është në mbështetje të kësaj rregulloreje, brenda 10 ditëve, subjektit i dërgohet njoftimi për pranimin e përditësimit për një ose më shumë elemente:

I. Ndryshim apo shtesë të drejtuesit /ve ligjor të shoqërisë;

II. Ndryshim emërtim shoqërie;

III. Zgjatjen e afatit të licencës së shoqërisë, kur aplikohet me të njëjtin staf inxhinierik;

IV. Mbyllja e aktivitetit të shoqërisë (çregjistrim i tyre), bashkime apo përthithje (që nuk shoqërohen me ndryshimin e grupit të drejtuesve teknikë).

Njoftimit për pranim i bashkëlidhet leja e përditësuar, e nënshkruar nga kryetari i komisionit në detyrë.

c) Kur aplikimi ka të meta ose dokumentacioni provues nuk është në formën e kërkuar ligjore brenda 10 ditëve, subjektit i dërgohet njoftimi me shkrim, për plotësim sipas rastit të dokumentacionit dhe/ose kërkesës. Kur subjekti nuk plotëson dokumentacionin dhe/ose kërkesën brenda 30 ditëve kalendarike nga njoftimi, aplikimi konsiderohet si i paqenë, kërkesa arkivohet dhe ndaj subjektit ose sipas rastit drejtuesit teknik në rastin e përgjegjësisë solidare komisioni fillon kryesisht procedimin, sipas kreut sanksione të kësaj rregulloreje.

6. Lëshimi i dublikatës

Kërkesat për lëshim dublikate trajtohen brenda 3 ditëve pune nga sektori i licencimit. Dublikata lëshohet me shënimin “Dublikatë”.

KREU III

KATEGORIZIMI DHE KLASIFIKIMI I LICENCËS, ELEMENTET E SAJ, KUSHTET, KRITERET DHE KUFIZIMET

1. Kategorizimi dhe klasifikimi i licencës, garanci

a) Licenca është dokument juridik e profesional, që i jep të drejtë disponuesit të saj të ushtrojë veprimtari të caktuar, sipas:

I. Kategorive të punimeve të zbatimit duke u mbështetur në:

- profilin e diplomës universitare të individëve që punësohen në rolin e drejtuesit teknik të shoqërisë.

II. Klasifikimit të kategorive të përfituara duke u mbështetur në 3 elemente:

- Vlerën e punëve të ngjashme të kryera 4 vitet e fundit si shoqëri;

- Përvojën në punë të individit/ëve që punësohen në rolin e drejtuesit teknik të shoqërisë;

- Kapacitetet financiare.

b) Subjektet e licencuara në zbatim nuk mund të kualifikohen si fituese për punë publike të prokuruar sipas ligjit të prokurimit publik nëse janë fitues dhe/apo kanë në proces në të njëjtën kohë si kontraktor/nëkontraktor një investim sipas një kontrate të lidhur/apo në proces për t'u lidhur sipas ligjit për prokurimin publik me vlerë të përbashkët ose të veçantë që tejkalon vlerën e kategorisë që mban subjekti sipas lidhjes 4. Subjektet e licencura kanë të drejtë të marrin pjesë/apo të shpallen fituese në prokurime publike, brenda të njëjtës periudhë deri në vlerën e licencës së përcaktuar sipas lidhjes 4. Në kuptim të kësaj shkronje fjala “periudhë” kupton kohëzgjatjen e investimit të kryer sipas ligjit për prokurimin publik nga momenti i shpalljes fitues deri në kolaudim të objektit/investimit. Agjencia e Prokurimit Publik dhe autoritetet kontraktore, sipas ligjit për prokurimin publik, hartojnë dokumentet standarde të tenderit dhe dokumentet e tenderit në përputhje me këtë rregullore dhe garancitë e caktuara këtu me detyrimin që kur verifikohet se subjekti përfshihet në investime që tejkalojnë klasën e kategorisë së licencuar sipas lidhjes 4, kontrata të shpallet absolutisht e pavlefshme me detyrimin për njoftim për nisje të procedurës për heqje licence.

c) Autoritetet kontraktore, në përcaktimin e grafikëve dhe afateve për përfundimin e punimeve të ndërtimit, në dokumentet e tenderit të prokurimit dhe në kontratën e zbatimit të veprave publike, ndërtimore, detyrohen të llogarisin kryerjen e punimeve, për periudhën 22 mars – 23 tetor me 2(dy) turne, për ndërtimin e objekteve në lartësi, dhe me 3(tri) turne, për ndërtimin e rrugëve dhe ndërtimeve të tjera.

ç) Autoritetet kontraktore për moszbatimin e kërkesave të përcaktuara në shkronjën “c” dhe për mosndjekjen e zbatimit të këtyre kushteve (kryerjen e punimeve me dy e tri turne), të përcaktuara në kontratën e nënshkruar, ngarkohen me përgjegjësi administrative dhe/ose me përgjegjësi, sipas legjislacionit për prokurimin publik.

d) Autoriteti kontraktues kërkon ndërprejeën e punimeve dhe prishjen e kontratës për çdo vonesë në grafikun e punimeve, që rrezikon përfundimin e punimeve në afatin përfundimtar, të përcaktuar në kontratën e nënshkruar. Në këtë rast edhe për moskryerje të punimeve sipas kushteve të përcaktuara në shkronjën “c” kërkohet heqja e licencës për shoqëri ndërtuese, në përputhje me këtë vendim dhe përjashtimin e saj nga prokurimet publike, në përputhje me ligjin dhe rregullat e prokurimit publik.

2. Elementet e licencës:

a) Licenca përmban këto elemente:

I. Kategoritë e punimeve të ndërtimit (përcaktuar në lidhjen nr.2);

II. Klasifikimin me nivele për çdo kategori (përcaktuar në lidhjen nr.4);

III. Numrin e identifikimit;

IV. Datën e regjistrimit në Regjistrin Themeltar (e njëjtë me datën e marrjes së vendimit nga komisioni);

V. Emrat e drejtuesve ligjorë e teknikë;

VI. Selinë;

VII. Afatin e vlefshmërisë;

VIII. Elementet e sigurisë të përcaktuara me urdhër të ministrit;

IX. Të dhënat e plota të kategorive dhe klasifikimit, në pjesën e pasme të licencës (Lidhjet 2 e 4 të kësaj rregulloreje).

b) Formulari i licencës miratohet nga Ministri i Punëve Publike, Transportit dhe Telekomunikacionit.

3. Kushtet, kriteret dhe kufizimet

a) Aplikimi për licencë dhe dokumentet shoqëruese të saj, sipas kësaj rregulloreje, dërgohen me postë rekomande dhe lajmërim-marrjeje në emër të komisionit. Dokumentacioni duhet të jetë origjinal ose i njësuar me origjinalin. Në aplikim shënohet dhe adresa e saktë për komunikim mes subjektit dhe komisionit.

Shoqëritë e huaja që aplikojnë për licencim njehsojnë licencën që disponojnë nga vendi i origjinës duke zbatuar të njëjtat procedura për kategorizimin dhe klasifikimin, si dhe shoqëritë shqiptare.

b) Për të vlerësuar/demonstruar aftësinë e mjaftueshme profesionale, financiare dhe kapacitetin profesional të drejtuesit teknik të shoqërisë, gjykohet mbi dokumentacionin e plotësuar nga aplikuesi, sipas procedurave dhe kriterëve të përcaktuara në këtë rregullore. Në rastet kur gjykohet nga komisioni kërkohen edhe dokumente apo informacione plotësuese nga ente publike ose private.

c) Licencat e shoqërive jepen me afat të njëjtë me atë për të cilin janë regjistruar për të ushtruar veprimtari në QKR apo gjykatë. Ndalohet ushtrimi i veprimtarisë zbatuese në ndërtim në mungesë të drejtuesit/ve teknikë të shoqërisë.

Shoqëritë e licencura jo më vonë se 10 ditë kalendarike, kur drejtuesi teknik është dorëhequr ose ka pamundësi fizike për ushtrimin e detyrës (aksident, sëmundje me paaftësi ushtrimi detyre mbi 14 ditë, invaliditet, ndarje nga jeta), kanë detyrimin të paraqesin njoftim së bashku me kërkesën për drejtuesin e ri teknik të shoqërisë.

Si rregull përgjegjësitë e drejtuesit teknik të shoqërisë për këtë periudhë (nga kontraktimi deri në shqyrtimin e kërkesës) mbulohen nga drejtuesi i ri i kontraktuar deri në vendimmarrjen e komisionit.

Kur komisioni vendos mospranim të kërkesës ose në mungesë të dokumentacionit të plotë sekretariati teknik dërgon njoftim për plotësim dokumentacioni, sipas paragrafit VI, shkronja “a”, pika 4 e kreut II të kësaj rregulloreje, shoqëria detyrohet të pezullojë punimet menjëherë deri në licencimin sipas rregullave dhe procedurave të caktuara në këtë rregullore.

Kur shoqëria dhe drejtuesi kanë kontratë me afat të caktuar, shoqëria jo më vonë se 30 ditë para mbarimit të afatit njofton komisionin për drejtuesin e ri teknik ose zgjatjen e kontratës për një afat të ri. Bashkëlidhur njoftimit aplikimi dhe dokumentacioni provues sipas kësaj rregulloreje. Kur në Komision nuk ka njoftim nga shoqëria apo drejtuesi teknik nuk njofton për mbarimin e kontratës sipas afatit, kontrata për periudhën në vijim do të quhet si pa afat të caktuar. Përgjegjës sipas ligjit mbetet drejtuesi teknik i shoqërisë.

ç) Afati kohor për të kërkuar shtesë të kategorive apo rritje të klasifikimit me të njëjtët drejtues teknikë me të cilët shoqëria disponon licencë është jo më parë se një vit nga aplikimi paraardhës.

KREU IV

DREJTUESI TEKNIK I SHOQËRISË DHE PAPAJTUESHMËRIA ME KËTË DETYRË

1. Drejtuesi teknik i shoqërisë

a) Drejtuesi teknik i shoqërisë është personi me arsimin universitar përkatës (përcaktuar në lidhjen nr.5) dhe me përvojë pune jo më pak se 5 vjet nga diplomimi. Për personat që kanë mbaruar universitetin me mesatare note nga 9.0 e lart ose ekuivalent (për studime të përfunduara në shtete të huaja) afati të jetë jo më pak se 3 vjet nga diplomimi.

b) Licenca profesionale e shoqërisë kategorizohet mbështetur në diplomimin dhe përvojën personale të drejtuesit/drejtuesve teknikë, kërkesave të tjera që caktohen në këtë rregullore dhe vlerësimit të komisionit për dokumentacionin e paraqitur.

c) Marrëdhëniet e drejtuesit teknik me shoqërinë rregullohen sipas kontratës individuale të punës.

2. Papajtueshmëritë me detyrën e drejtuesit teknik të shoqërisë së zbatimit

Drejtuesit teknikë të shoqërisë nuk mund të jenë personat që janë të angazhuar në çdo punëmarrje tjetër publike.

Drejtuesi teknik i shoqërisë nuk mund të jetë njëkohësisht i punësuar në dy apo më shumë shoqëri ndërtimi dhe ndalohet të disponojnë licencë për mbikëqyrje e kolaudim të punimeve të zbatimit.

Kur personat që pranojnë të kryejnë detyrën e drejtuesit teknik të shoqërisë për zbatim disponojnë licencë profesionale mbikëqyrjeje e kolaudim punimesh zbatimi, ata kanë detyrimin për evidentimin e këtij fakti në dokumentacionin e paraqitur për aplikim, si dhe dorëzimin e kopjes origjinale të këtyre licencave pranë arkivës së sektorit përgjegjës për licencimin, përpara ose në çastin

kur shoqëria në fjalë merr licencën.

Licencat profesionale për mbikëqyrje e kolaudim punimesh zbatimi, i kthehet personit sapo ai shkëput marrëdhëniet si drejtues teknik me shoqërinë.

KREU V MËNYRA E KLASIFIKIMIT TË SHOQËRIVE

1. Klasifikimi i shoqërive

a) Shoqëria vendoset paraprakisht në nivelin (klasën) e pasqyruar në lidhjen nr.4, ku përfshihet vlera e punimeve të kryera gjatë 4 viteve të fundit për kategorinë që klasifikohet. Shoqëria qëndron në të njëjtin nivel klasifikimi apo zbrit në një më të ulët në varësi të pikëve që përfiton nga përvoja e drejtuesit teknik të shoqërisë për kategorinë që klasifikohet dhe pikët nga kapaciteti financiar nëpërmjet bilanceve, të llogaritura si në vijim.

I. Llogaritja e pikëve për përvojën e drejtuesit teknik, (vlerësimi maksimal 20 pikë) për çdo kategori kryhet nga komisioni mbështetur në:

- Vitet e punës mbas diplomimit në degën universitare me 1 pikë për çdo 5 vjet përvojë (nga viti i diplomimit deri në atë të aplikimit) dhe jo më shumë se 5 pikë gjithsej.

- Punët e kryera në zbatim të objekteve ndërtimore, të cilat vlerësohen nga komisioni (jo më shumë se 15 pikë).

Kur e njëjta shoqëri ka më shumë se 1 drejtues teknik për të njëjtin kategori punimesh për efekt të kategorizimit vlen pikësimi i drejtuesit teknik me pikësimin më të madh :

Shembull: Kur drejtuesi teknik me eksperiencën më të madhe për atë kategori ka 14 vjet që është diplomuar, ai merr 2.8 pikë dhe i shtohen pikët (nga 1 deri 15) që komisioni vlerëson për eksperiencën e tij, bazuar në punët që ka kryer.

II. Llogaritja e pikëve për kapacitetin financiar kryhet bazuar në bilancet “pozitive” (kur shoqëria ka rezultuar me fitim). Pikët llogariten si mesatare e pikëve për 4 vitet e fundit, ku për secilin vit “pozitiv” përfitohen 20 pikë (vlerësimi maksimal 20 pikë).

Shembull: Në rast se shoqëria ka 2 vjet që është krijuar dhe vetëm për 1 vit nga këto ka pasur bilanc me fitim, atëherë ajo do të përfitojë ; $1 \times (20 \text{ pikë}) / 2 \text{ vitet} = 10 \text{ pikë}$.

Shoqëria qëndron në të njëjtin kategori, vetëm kur vlerësohet nga 21 pikë e lart me kusht që nga drejtuesi teknik të ketë përfituar të paktën 11 pikë. Në rast të kundërt ajo zbrit në një nivel klasifikimi më të ulët.

KREU VI DOKUMENTET QË SHOQËROJNË APLIKIMIN PËR LICENCË PROFESIONALE, NDRYSHIME DHE PËRDITËSIME

1. Dokumentacionin për pajisje me licencë shoqërie për herë të parë

a) Kërkesa e shoqërisë për pajisje me licensë sipas formularit të paraqitur në lidhjen nr.6. Kërkesës i bashkëlidhet dhe dokumentacioni i mëposhtëm provues:

I. Kopje e njësuar e vendimit të regjistrimit në Qendrën Kombëtare të Regjistrimit/gjykatë dhe (aktit të themelimit + statusit).

II. Kopje e njësuar e diplomës së drejtuesit apo drejtuesve teknikë të shoqërisë.

III. Kur drejtuesi teknik është diplomuar me mesatare note nga 9:0 e lart ose ekuivalent dhe kërkon të vendoset si drejtues teknik 3 vjet nga diplomimi kopje e njësuar e listës së notave.

IV. Dokumentacion teknik justifikues (original ose i njësuar) për veprimtarinë e kryer nga drejtuesi teknik, vërtetime nga subjekte, institucione apo organizma publikë ose privatë. Kur vërtetimi

lëshohet nga institucion privat bashkëshoqërohet dhe me vërtetim të subjektit publik që konfirmon faktin.

V. Kontrata midis drejtuesit ligjor dhe drejtuesit teknik.

VI. Vetëdeklarimi i drejtuesve ligjorë, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës, (sipas formatit të lidhjes nr.7/1).

VII. Vetëdeklarim i drejtuesit/ve teknik, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës apo ka qenë i dënuar, si dhe për gjendjen në lidhje me punëmarrje të tjera, (sipas formatit të lidhjes nr.7/2).

2. Dokumentacioni për ndryshim ose shtesë të drejtuesit ligjor:

a) Kërkesa për ndryshimin e drejtuesit ligjor apo shtesë të tij sipas formularit të paraqitur në lidhjen nr.6, shoqërohet edhe me:

I. Kopje të noterizuar të vendimit të gjykatës ose të QKR, ku përcaktohet ndryshimi i drejtuesit ligjor.

II. Vetëdeklarimi i drejtuesit/ve teknik, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës apo ka qenë i dënuar, si dhe për gjendjen në lidhje me punëmarrje të tjera, (sipas formatit të lidhjes nr.7/2).

3. Dokumentacioni për ndryshim të drejtuesit teknik:

a) Kërkesa për ndryshimin e drejtuesit teknik apo shtesë të tij sipas formularit të paraqitur në lidhjen nr.6, shoqërohet edhe me:

I. Kopje të njësuar të diplomës së drejtuesit apo drejtuesve teknikë që shtohen në shoqëri. Kur drejtuesi teknik është diplomuar me mesatare note nga 9:0 e lartë dhe kërkon të vendoset si drejtues teknik 3 vjet nga diplomimi, diplomës t'i bashkëlidhet kopje e njësuar e listës së notave.

II. Kontrata/t midis drejtuesit ligjor dhe drejtuesit teknik të ri.

III. Vetëdeklarimi i drejtuesit/ve teknik, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës apo ka qenë i dënuar, si dhe për gjendjen në lidhje me punëmarrje të tjera, (sipas formatit të lidhjes nr.7/2).

IV. Dokumentacion teknik justifikues (origjinal ose i njësuar për veprimtarinë e kryer nga drejtuesi teknik), vërtetime nga subjekte, institucione apo organizma publike ose private. Kur vërtetimi lëshohet nga institucion privat bashkëshoqërohet dhe me vërtetim të subjektit publik që konfirmon faktin.

V. Bilancet e katër viteve të fundit

Kur komisioni njoftohet nga drejtuesi teknik që largohet, brenda 7 ditëve njoftohet shoqëria me shkrim për këtë largim dhe për detyrimin për plotësim sipas kësaj rregulloreje.

4. Dokumentacioni për ndryshim emërtim shoqërie:

a) Kërkesa për ndryshimin e emrit të shoqërisë, kryhet brenda 30 ditëve nga marrja e certifikatës nga QKR-ja për këtë ndryshim, hartohet sipas formularit të paraqitur në lidhjen nr.6 dhe shoqërohet me kopjen e njësuar ose origjinal të aktit.

5. Dokumentacioni për mbylljen e aktivitetit të shoqërisë, çregjistrimi

Kur shoqëria ndërtimore nuk kryen veprimtari, sipas ligjit në fuqi, brenda 30 ditëve nga marrja e vendimit në QKR apo gjykatë për mbyllje subjekti, ka detyrimin të paraqesë pranë sektorit përgjegjës për licencimin, kërkesën shoqëruar me vendimin e QKR-së apo gjykatës. Në këtë rast drejtuesi ligjor dhe drejtuesi teknik kanë përgjegjësi solidare për njoftimin.

6. Ndarjet apo bashkimet e shoqërive:

a) Ndarja:

Kur shoqëria ndërtimore ndahet, akti i ndarjes i depozituar në QKR përcakton dhe çështje të të drejtave dhe detyrimeve që trashëgojnë subjektet e reja të krijuara për elementet, punime të kryera nga shoqëria mëmë, kapacitetet inxhinierike dhe ato financiare. Dokumentacioni që duhet të dorëzohet në komision nga përfaqësuesit ligjorë të subjektit përbëhet nga:

I. Aplikimi për licencimin e shoqërisë/ve dhe shpalljen pa veprim të licencës së shoqërisë mëmë së cilit i bashkëlidhet.

- Akti i ndarjes i depozituar në QKR;

- Vendimi i ndarjes në QKR;

- Kontrata midis drejtuesve ligjorë dhe drejtuesve teknikë përkatës.

Dokumentacioni i mësipërm paraqitet në origjinal ose i njësuar me origjinalin.

Kur kontrata lidhet me drejtues të ri teknik dokumentacionit të mësipërm i bashkëlidhen vetëdeklarimi i drejtuesit teknik, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës apo ka qenë i denuar, si dhe për gjendjen në lidhje me punëmarrje të tjera (sipas formatit të lidhjes nr.7/2) së bashku me

Dokumentacion teknik justifikues (origjinal ose i njësuar për veprimtarinë e kryer nga drejtuesi teknik), vërtetime nga subjekte, institucione apo organizma publikë ose privatë. Kur vërtetimi lëshohet nga institucion privat bashkëshoqërohet dhe me vërtetim të subjektit publik që konfirmon faktin.

b) Bashkimi:

Bashkimi i shoqërive i vendos automatikisht shoqërisë së re që krijohet shumatoren e kategorive që kanë shoqëritë që bashkohen dhe secilën kategori në nivelin e klasifikimit bazuar në shumën e punimeve të ngjashme dhe pikësimin e drejtuesve teknikë me pikësim më të lartë. Pikësimi për bilancet llogaritet si mesatare e pikësimit nga bilancet të çdo shoqërie që bashkohet. Dokumentacioni që duhet të dorëzohet në komision përbëhet nga:

I. Aplikimi për licencimin e shoqërisë së re të krijuar dhe mbylljen e licencave për shoqërinë së cilës i bashkëlidhen:

- akti i bashkimit të shoqërisë i depozituar në QKR;
- Vendimi i bashkimit në QKR.

Dokumentacioni i mësipërm paraqitet në origjinal ose i njësuar me origjinalin.

7. Rilicencimi i shoqërive ekzistuese në përputhje me kërkesat e kësaj rregulloreje.

Brenda periudhës 6-mujore nga hyrja në fuqi e kësaj rregulloreje shoqëritë që disponojnë licencë përpara miratimit të rregullores, duhet të ndjekin të njëjtat procedura kategorizimi e klasifikimi, si edhe ato që aplikojnë për herë të parë. Kërkesa e hartuar sipas formularit të paraqitur në lidhjen nr.6. shoqërohen me:

I. Vendimin e regjistrimit në QKR në rast se kanë marrë një të tillë nga koha e aplikimit parardhës për licencë.

II. Vetëdeklarimin e drejtuesit/ve teknik, nëse është në hetim apo procedim penal me cilësinë e të pandehurit për vepra penale që kanë lidhje me ushtrimin e detyrës apo ka qenë i denuar, si dhe për gjendjen në lidhje me punëmarrje të tjera. (sipas formatit të lidhjes nr.7/2) së bashku me.

III. Dokumentacion teknik justifikues (origjinal ose i njësuar për veprimtarinë e kryer nga drejtuesi teknik), vërtetime nga subjekte, institucione apo organizma publikë ose privatë. Kur vërtetimi lëshohet nga institucion privat bashkëshoqërohet dhe me vërtetim të subjektit publik që konfirmon faktin.

IV. Informacion nga shoqëria në lidhje me punët e kryera për 4 vitet e fundit. Informacioni shoqërohet edhe me:

- Situacione të punimeve të likuiduara, të vulosura nga entet publike shtetërore apo private. (orgjinale ose kopje të njësuara);

- Bilance të 4 viteve të fundit, (orgjinale ose kopje të njësuara)

- Akteve të kolaudit apo marrjes në dorëzim të objekteve (orgjinale ose kopje të njësuara)

8. Ndryshimi i shkallës së klasifikimit për kategoritë e licencës që disponon:

a) Kërkesa për ndryshim të shkallës së klasifikimit shqyrtohet në rastet kur:

I. Ndryshohen drejtuesit teknikë gjë që çon në llogaritjen e pikësimit për drejtuesin teknik të ri apo shtimin/heqjen e nivelit, si edhe kategorisë që përfitohej si rezultat i këtij drejtuesi. Në këtë rast plotësohen dokumentet sipas kërkesave të pikës 3.

II. Kërkohet rritje nga vetë shoqëria me të njëjtët drejtues teknikë si rezultat i punimeve të ngjashme që ka kryer ndërkohë, rritjes së eksperiencës së drejtuesve teknikë si në vite, ashtu edhe në punë.

b) Dokumentet që duhet të plotësojë shoqëria, për këtë rast janë, kërkesa sipas formularit të përcaktuar në lidhjen nr.6, shoqëruar edhe me:

I. Informacion në lidhje me punët e kryera gjatë vitit/viteve të fundit, nisur nga aplikimi paraardhës. Informacioni shoqërohet me:

- Kopje të situacioneve të punimeve të likuiduara, të vulosura nga entet publike shtetërore apo private, (orgjinale ose kopje të noterizuara);
 - Kopje bilancesh (orgjinale ose kopje të noterizuara);
 - Akte kolaudimi apo marrjes në dorëzim të objekteve (orgjinale ose kopje të noterizuara);
- Ky informacion vlen edhe për pikësimin e eksperiencës së drejtuesit/drejtuesve teknikë ekzistues.

KREU VII SANKSIONE

1. Ndaj subjekteve të licencuara për shkelje të legjislacionit në fuqi apo kësaj rregulloreje aplikohen nga komisioni këto masa administrative :

a) Heqja e së drejtës për ushtrimin e aktivitetit ose pezullimin e përkohshëm në zbatim, për periudha të ndryshme të shoqërive apo kategori të drejtuesve teknikë të shoqërive, në rastet kur:

I. Konstatohen ose provohen deklarime (sipas parashikimeve në këtë rregullore) të rreme, dokumente të pavërteta të subjektit deklarues. Në këtë rast komisioni heq licencën për një periudhë 5 vjet.

II. Shoqëria kryen veprimtari pa drejtues teknik ose shkel afatet e njoftimit të caktuara në këtë rregullore. Në këtë rast komisioni heq licencën për shoqërinë/drejtuesit për një periudhë 3 vjet.

III. Ka propozime të motivuara nga institucionet që kanë lidhje me procesin e ndërtimit, organet e qeverisjes qendrore apo vendore, për shkelje të ligjshmërisë në ndërtim hiqet për një periudhë 3 vjet. Në këtë rast komisioni heq licencën e shoqërisë për një periudhë 3 vjet. Për këtë rast ngarkohen struktura të ministrisë për të verifikuar propozimin, të cilat brenda 30 ditëve hartojnë raportvlerësimin që shqyrtohet në mbledhjen e radhës së komisionit.

b) Për masat e marra njoftohet subjekti përkatës dhe institucionet që kanë lidhje me procesin e zbatimit të punimeve të ndërtimit. Gjithashtu për rastet e deklarimeve të rreme sanksioni administrativ shoqërohet dhe me kallëzim në organin e akuzës.

KREU VIII ANKIMI

A) Për çdo vendim të komisionit, subjektet e interesuara, kanë të drejtën e ankimit te Ministri i Punëve Publike, Transportit dhe Telekomunikacionit, brenda 30 ditëve, nga data e njoftimit. Titullari i ministrisë, pasi merr në shqyrtim ankesën e paraqitur nga subjekti, vendos brenda 10 ditëve:

- mospranimin e kërkesës dhe lënien në fuqi të vendimit të marrë nga komisioni.
- kthen për rishqyrtim vendimin e marrë në komision.

KREU IX DISPOZITA KALIMTARE DHE TË FUNDIT

1. Pjesë e kësaj rregulloreje janë lidhjet 1, 2, 3, 4, 5, 6 dhe 7.

2. Pjesë të rregullores së miratuar me urdhrin nr.84, datë 8.0.2006 të ministrit për miratimin e rregullores “Për kriteret dhe procedurat e dhënies së licencave profesionale për punët publike”, që kanë të bëjnë me licencimin në fushën e zbatimit të individëve apo shoqërive të ndërtimit, shfuqizohen.

3. Verifikimi i deklarimeve apo dokumenteve kryhet rast pas rasti.

4. Me përjashtim të rastit kur parashikohet ndryshe në dispozitat e kësaj rregulloreje, licencat e dhëna sipas kriterëve të përcaktuara në rregulloren e miratuar me urdhrin nr.84, datë 8.9.2006 të ministrit për miratimin e rregullores “Për kriteret dhe procedurat e dhënies së licencave profesionale

për punët publike”, mbeten në fuqi deri në paraqitjen për rivlerësim e konvertim në kategoritë dhe klasifikimin e përcaktuar në këtë rregullore.

5. Rikategorizimi dhe riklasifikimi i licencave të dhëna deri 1 ditë para hyrjes në fuqi të kësaj rregulloreje duhet të kryhet për kategoritë N.P-4, N.P-5 dhe N.P-6 brenda periudhës 31.6.2008 ndërsa aplikimet nga subjektet juridike të përfundojnë brenda datës 1 prill 2008 . Për subjektet e tjera zbatuese licencimi përfundon më datë 25 dhjetor 2008, ndërsa aplikimet të përfundojnë më datë 25 korrik 2008.

ANEXS

Lidhja 1 Tarifat

Lidhja 2 Kategoritë e punimeve të zbatimit

Lidhja 3 Shpjegime në lidhje me punimet e ndërtimit që përfshihen në secilën kategori

Lidhja 4 Klasifikimi i Shoqërive ndërtimore sipas niveleve

Lidhja 5 Arsimet universitare përkatëse që duhet të ketë drejtuesi/it teknik

Lidhja 6 Formularët që duhet të plotësojnë shoqëritë që aplikojnë

Lidhja 7 Deklarimet e personave.

TARIFA

Për personat juridikë që pajisen me licencë profesionale zbatohen këto tarifa:

- | | |
|--|------------|
| 1. Licencë për herë të parë shoqërie | 1 (një) €; |
| 2. Shtesë në licencë (kategori apo rritje të shkallës së klasifikimit) | 1 (një) €; |
| 3. Zgjatje afati licencë shoqërie | 1 (një) €; |
| 4. Ndryshim dhe shtesë drejtuesi ligjor e teknik | 1 (një) €; |
| 5. Ndryshim i emrit të shoqërisë | 1 (një) €; |
| 6. Nxjerrje të dhëna nga Regjistri Themeltar | 1 (një) €; |
| 7. Dublikatë personave juridikë | 1 (një) €; |
| 8. Rilicencimi | 1 (një) €; |

Subjekti aplikues sipas rastit, likuidon tarifën e mësipërme në një nga bankat e nivelit të dytë/postës shqiptare në llogari të ministrisë përgjegjëse për punët publike dhe ja bashkëlidh aplikimit.

TABELA
Kategorizimi sipas punimeve të zbatimit në ndërtim

PUNIME TË PËRGJITHSHME NDËRTIMI

N.P – 1	Punime gjurmimi në tokë.
N.P – 2	Ndërtime civile dhe industriale.
N.P – 3	Rikonstrukcion dhe mirëmbajtje godinash civile e industriale, veshje fasada.
N.P – 4	Rrugë, autostrada, mbikalime, hekurudha, tramvai, metro, pista aeroportuale.
N.P – 5	Punime nëntokësore, ura e vepra arti.
N.P – 6	Diga dhe tunele hidroteknike.
N.P - 7	Ujshjellësa, gazshjellësa, vajshjellësa, vepra kullimi e vaditje.
N.P – 8	Ndërtime detare dhe punime thellimi në ujë.
N.P - 9	Punime dhe mbrojtje lumore sistemime hidraulike dhe bonifikime.
N.P - 10	Ndërtimi i impianteve për prodhimin e energjisë elektrike.
N.P – 11	Ndërtime për n/stacionet, kabinat e transformatorëve linja e TN e të mesëm dhe shpërndarjen e energjisë.
N.P – 12	Punime të inxhinierisë së mjedisit.

PUNIME SPECIALE NDËRTIMI

N.S – 1	Punime për prishjen e ndërtimeve.
N.S- 2	Impiante hidro-sanitare, kuzhina, lavanteri, mirëmbajtja e tyre.
N.S- 3	Impiante ngritëse dhe transportuese (ashensorë, shkallë levizëse, transportues).
N.S.- 4	Punime rifiniture të muraturës dhe të lidhura me to, rifiniturë me materiale druri, plastik, metalik dhe xhami dhe rifiniturë të natyrës teknike ndërtuese.
N.S - 5	Impiante të sinjalistikës ndriçuese të trafikut.
N.S – 6	Sinjalistika rrugore jondriçuese.
N.S – 7	Barriera dhe mbrojtje rrugore.
N.S – 8	Ndërtime parafabrikat betonarme, struktura metalike dhe druri.
N.S – 9	Punime strukturore speciale.
N.S – 10	Shtresa dhe mbistruktura speciale.
N.S – 11	Punime mbi shina dhe traversa.
N.S - 12	Impiante teknologjik, termike dhe të kondicionimit.
N.S - 13	Impiante dhe linja telefonie dhe telekomunikacioni.
N.S – 14	Impiante të brendshme, elektrike, telefoni, radiotelefoni TV etj.
N.S- 15	Pastrimi i ujërave detare, liqenore dhe lumore.
N.S – 16	Ndërtimi i impianteve të ujit të pijshëm dhe pastrimit të tij.
N.S – 17	Ndërtimi i impianteve të grumbullimit dhe trajtimit të mbetjeve urbane.
N.S – 18	Punime topogjeodezike.
N.S.- 19	Sistemet kundër zhurmës për infrastrukturë.
N.S.- 20	Shpime gjeologo-inxhinierike, puse e shpime për ujë.

Shpjegime për kategoritë e ndërtimeve (punimeve) të përgjithshme

N.P. 1 Punime gjërmimi në tokë

Konsiderohen gjërmimet, sistemit dhe ndryshimet në volum të tokës, të realizuara me çfarëdo lloj mjeti, pavarësisht nga natyra e terrenit që do të gjërmohet ose sistemohej vegjetale, argjilore, ranore, zhavorishte ose shkëmbore.

N.P. 2 Ndërtime civile e industriale

Konsiderohen ndërtime, mirëmbajtje ose ristrukturime me ndërhyrje të sakta në objekte ku zhvillohen aktivitete njerëzore të drejtëpërdrejta ose jo, kompletimi me strukturat e nevojshme dhe finitura të llojeve të ndryshme që lidhen me objektin, punime plotësuese dhe pajisje.

Përfshin në mënyrë të thjeshtuar godina banimi, shkolla, zyra, kazerma ushtrie, teatro, stadione, godina industriale, godina për parkim, burgje, stacione hekurudhore dhe metroje, godina aeroporti me ndonjë punim special në betonarme të thjeshtë ose të paranderur, betonim të tavaneve të hollë, membrana, kupola, depozita të varura, sillos dhe ndërtime të larta me strukturë me karakteristika të veçanta e komplekse.

N.P. 3 Rikonstrukcion dhe mirëmbajtje godinash civile e industriale, veshje fasadash

Konsiderohen zgjidhjet dhe koordinimi i punimeve të specialiteteve të nevojshme për riaftësim, konservim, konsolidim, transformim, rivlerësim, ristrukturim. Konsiderohen gjithashtu dhe finitura të llojeve të ndryshme që lidhen me objektin, punime plotësuese dhe pajisje.

N.P. 4 Rrugë autostrada, ura, mbikalime, hekurudha, linja tramvai, metro, hekurudhë me kavo dhe pista aeroportuale.

Përfshin në mënyrë të thjeshtuar rrugët, pavarësisht nga shkalla e tyre e rëndësisë, autostradat, superstradat përfshirë ndërhyrjet në pika të veçanta, tunelet, devijimet në nivele dhe në lartësi, parkimet, punime të mureve mbajtëse, hekurudha, metro, hekurudhë me kavo, tranvai, pista aeroportuale, sheshet e helikopterëve, sheshet të realizuara me materiale të veçanta, natyrore dhe artificiale, urat, si dhe komplekse karakteristikash teknike, në hekur, betonarme të thjeshtë dhe të paranderur, parafabrikat ose të prodhuar në objekt.

Konsiderohen ndërtime, mirëmbajtje ose ristrukturim i ndërhyrjeve në rrjetin rrugor të nevojshëm për të ndërjër paqëndrueshmërinë mbi “goma”, “hekur”, “zona”, kushdo që të jetë shkalla e rëndësisë, kompletimi i çdo veprë lidhëse, plotësuese ose pajisje edhe e tipit të veçantë, të linjës hekurudhore.

N.P. 5 Punime nëntokësore

Konsiderohen. Ndërtime, mirëmbajtje ose ristrukturime, me anë të përdorimit të mjeteve teknike speciale, të ndërhyrjeve nëntoke që janë të lidhura me ndjeshmërinë e lëvizshmërisë mbi “goma” ose mbi “hekur”, kushdo që të jetë shkalla e rëndësisë, kompletimi i çdo veprë lidhëse, plotësime ose pajisje, në pika të veçanta ose në rrjet, rrugët hyrëse të çdo shkalle rëndësie, devijimet në nivele dhe në lartësi, punime të mureve mbajtëse.

Përfshin në mënyrë të thjeshtuar galeritë natyrore, shpime, kalime nëntoksore, tunele.

N.P. 6: Diga dhe tunele hidroteknike.

Konsiderohen ndërtime, mirëmbajtje ose ristrukturime me ndërhyrje të sakta, që janë të nevojshme për të ruajtur ujën e grumbulluar të zbatuar për çfarëdo lloj motivi, të lokalizuara në drejtim të rrjedhjes.

Përfshin diga të ndërtuara me çfarëdo lloj materiali.

N.P. 7: Ujësjellësa, gazsjellësa, vajsjellësa, vepra kullimi e vaditje

Konsiderohen ndërtime, mirëmbajtje ose ristrukturime me ndërhyrje në rrjet që janë të nevojshme për realizimin “e shërbimit hidrik kompleks” ose për transportimin në vendet e përdorimit të gazrave, vajrave dhe veprave lidhëse, plotësuese ose ndihmëse edhe në pika të veçanta si edhe në të gjitha impiantet mekanik të nevojshme për të pasur një shërbim të mirë të nevojshëm gjatë përdorimit, funksionimit, informimit, sigurisë dhe asistencës për një funksionim normal.

Përfshin në mënyrë të thjeshtuar veprat e kaptazhit të ujit, impiantet e trajtimit të ujit të pishëm, ujësjellsat, kullat e ujit, stacionet e pompimit, depozitat në tokë ose të ngritura, rrjetin shpërndarës deri tek përdoruesi, furnizimi dhe vendosja në vepër e tubacioneve, shkarkimet e ujërave

të zeza, si dhe trajtimin e ujërave të përdorura.

N.P. 8 Ndërtime detare dhe punime thellimi në ujë

Konsiderohen ndërtime, mirëmbajtje ose ristrukturime me ndërhyrje të sakta të realizuara në ujëra të ëmbla ose të kripura, që i përkasin terminaleve “ujore” ose vepra mbrojtëse territori nga ujrat detare ose të ëmbla, e kompletuar me veprat lidhëse, plotësuese ose ndihmëse edhe të tipit të veçantë për të pasur një shërbim të mirë të përdoruesit, funksionimit, informimit, sigurisë dhe asistencës.

Përfshin në mënyrë të thjeshtuar portet, molet, bankinat, panelet, platformat, pontilet, mbrojtje detare, shkëmbinj nënujore, ujësjellsat nënujore, vepra shkarkimi, si edhe punime të drenimit e thellimi në det të hapur, në pellg ujëmbledhës, të mbrojtjes kundër erozionit nga ujërat e ëmbla ose të kripura.

N.P. 9 Punime mbrojtje lumore, sistemime hidraulike dhe bonifikime.

Konsiderohen ndërtime, mirëmbajtje ose ristrukturime me ndërhyrje të sakta ose në rrjet, si do që të jenë realizuar, të nevojshëm për sistemimin e rrjedhjes së ujërave natyrale ose artificiale si edhe për mbrojtjen e territorit nga këto ujëra, të kompletuara me punimet lidhëse të nevojshme.

Përfshin në mënyrë të thjeshtuar kanale lundruese, grykëderdhjet e lumenjve, konsolidimin e strukturave të anëve të lumenve dhe përrenjve, argjinatura të llojeve të ndryshme, sistemimin dhe vendosjen e rregjimit hidraulik të ujërave sipërfaqësore të veprave të diafrangmave të argjinaturave dhe qëndrueshmërisë së shpateve.

N.P.10 Ndërtimi i impianteve për prodhimin e energjisë elektrike

Konsiderohen ndërtime, mirëmbajtje ose ristrukturime me ndërhyrje të sakta, ose që janë të nevojshme për prodhimin e energjisë elektrike, të kompletuara me punimet e muraturës, plotësuese ose ndihmëse, të veçanta ose të rrjetit, përfshirë edhe të gjitha impiantet mekanike, elektromekanike elektrike, telefonike, elektronike, të nevojsh për funksionim, sigurim dhe asistencë.

Përfshin hidrocentralet dhe termocentralet.

N.P.11 Ndërtime për nënstacione, gabinetat e transformacionit linjat e T/N dhe tensionit të mesëm dhe shpërndarjen e energjisë elektrike.

Konsiderohen ndërtime, mirëmbajtje ose ristrukturime me ndërhyrje në rrjet që janë të nevojshëm për shpërndarjen e T/N dhe tensionit të mesëm dhe për transformimin dhe shpërndarjen e tensionit të ulët deri te përdoruesit e energjisë elektrike, të kompletuar me punimet e muraturës, plotësuese ose ndihmëse, të veçanta ose të rrjetit.

Përfshin në mënyrë të thjeshtuar centrale dhe kabina transformacioni, shtyllat metalike të nevojshme për transportin dhe shpërndarjen e çfarëdo lloji tensioni, furnizimin dhe vendosjen në vepër të linjave elektrike për çfarëdo numër fazash elektrike, ajrore ose tokësore.

N.P. 12 Punime të inxhinierisë mjedisore

Konsiderohen ndërtime, mirëmbajtje ose ristrukturime të veprave dhe punimeve të veçanta ose të shpërndara në territor, dhe vlerësimit të kompaktësimit të zhvillimit të qëndrueshëm të ekosistemit, përfshirë të gjitha veprat dhe punimet e nevojshme për aktivitet botanik dhe zoologjik.

Përfshin në mënyrë të thjeshtuar procesin e riaftësimit natyror, botanik, faunistik, konservimin dhe riaftësimin e terrenit të përdorur për karriera e gurore, dhe të bazeneve hidrografike, eliminimin e prishjes së ekuilibrit hidrogeologjik nëpërmjet kthimit në toka buke të veprave për stabilizimin e shpateve dhe ripyllëzimeve të punimeve të sistemimit bujqësor dhe të veprave për rivegetizimin e skarpateve rrugore, hekurudhor të karrierave dhe mbetjeve inerte.

SHPJEGIME PËR KATEGORITË E NDËRTIMEVE (PUNIMEVE) SPECIALE

N.S –1 Punime për prishjen e ndërtimeve

Konsiderohet çmontimi i impianteve industriale dhe prishja komplet e ndërtesave me pajisje speciale ose me përdorim eksplozivi me prerje të strukturave betonarme dhe prishjeve në përgjithësi

përfshi edhe grumbullimin e mbeturinave, ndarjen e tyre dhe riciklimin e materialeve.

N.S-2 Impiante hidrosanitare, kuzhina, lavanteri, mirëmbajtja e tyre

Konsiderohet, montimi, mirëmbajtje ose ristrukturim i impianteve hidrosanitare të kuzhinës, lavanterisë së gazit dhe kundër zjarrit, sado që të jetë shkalla e rëndësisë së veprave, e kompletuar me punimet e muraturës plotësuese ose ndihmëse, që janë realizuar ose janë duke u realizuar në punimet e përgjithëshme.

N.S-3 Impiante ngritëse dhe transportuese (ashensorë, shkallë lëvizëse, transportues)

Konsiderohet, montimi, mirëmbajtje ose ristrukturim i impianteve transportuese, ashensorë, shkallë të lëvizshme, ngritëse dhe të transportit, komplet dhe të lidhur me çdo punim murature plotësuese ose ndihmëse që janë realizuar ose janë duke u realizuar në punimet e përgjithëshme.

N.S-4 Punime rifiniture të muraturës dhe të lidhura me to, rifiniture me materiale druri, plastik, metalik dhe xhami dhe rifiniture të natyrës teknike ndërtuese

Konsiderohet ndërtimi, mirëmbajtje ose ristrukturim i muraturës dhe mureve ndarës të çfarëdo lloji, tipi, përfshirë suvatimin, patinimin, bojatisjen dhe punime të ngjashme me to.

Konsiderohet vendosja në vepër, mirëmbajtja dhe ristrukturimi i karpenterisë dhe punimeve prej druri, të dyerve dhe dritareve të brendshme dhe të jashtme, të veshjeve të brendshme dhe të jashtme të dysHEMEVE të tipeve të ndryshme dhe me materiale të ndryshme dhe të punimeve të realizuara me dorë, me metal, dru, material plastik dhe material xhami ose të ngjashëm.

Konsiderohet vendosja në vepër, mirëmbajtja dhe ristrukturimi i izolimit termik dhe akustik, nënçatitë dhe mbrojtja nga zjarri, izolimi i natyrave të ndryshme dhe me materiale të ndryshme.

N.S – 5 Impiante të sinjalistikës ndriçuese të trafikut.

Konsiderohet vendosja në vepër, mirëmbajtja sistematike dhe ristrukturimi i impiantit automatik për sinjalistikën ndriçuese dhe sigurinë e trafikut rrugor, hekurudhor, të metrosë ose tramvajit, përfshi përpunimin e informacionit dhe të dhënave.

N.S - 6: Sinjalistika rrugore jodriçuese

Konsiderohet vendosja në vepër, mirëmbajtja, ristrukturimi dhe kryerja e sinjalistikës rrugore jondriçuese, vertikale, horizontale dhe komplementare.

N.S – 7 Barriera dhe mbrojtje rrugore

Konsiderohet vendosja në vepër, mirëmbajtja ristrukturimi i elementeve si *guard rail*, *neë jersey*, zvogëuesit e zhurmave, barrierat në kthesa dhe të ngjashme, të realizuar për të siguruar fluksin e mjeteve rrugore dhe për të mbrojtur rënien në kthesa.

N.S – 8 Ndërtime parafabrikat me beton të armuar, struktura metalike dhe druri

Përfshin prodhimin në rrugë industriale dhe montimin në vepër të strukturave parafabrikate prej betoni të armuar, normal dhe të paranderur.

Prodhimin në kantjer dhe montimin në vepër të strukturave prej çeliku ose të fasadave të përbëra nga telajo metalike dhe elemente modulare prej xhami ose materiali tjetër.

Prodhimin në rrugë industriale dhe montimin në vend të strukturave të përbëra nga elementë të drejtë të trajtuar përpara.

N.S- 9 Punime strukturore speciale

Konsiderohet ndërtimi i objektit i destinuar për trasmetim ngarkese të realizuar në terrene jo të përshtatshme për mbajtjen e këtyre ngarkesave, të objekteve të destinuara për t'u ndërtuar në terrene rezistente dhe jo të deformueshme, por me parashikime të lëvizjeve gjeologjike, të objekteve me karakter antisizmik të strukturave ekzistuese.

Përfshin në mënyrë të thjeshtuar zbatimin e pilotave të çfarëdolloj tipi, të themeleve nëntokësore me pilota ose me mure mbajtëse, me ankorim, të objekteve që duhet të rivlerësohen nga funksioni statik i strukturës, me zbatim të punimeve nëntokësore me mjete speciale, përfshirë edhe marrjen e kampioneve për analiza laboratoriale nga pikëpamja gjeoteknike, gjithashtu të provave me ngarkesë, të sondave të veprave që sigurojnë qëndrueshmërinë e shpateve. Impermeabilizzazione dhe konsolidimin e terreneve.

N.S- 10 Shtresa dhe mbistruktura speciale

Konsiderohet ndërtimi, mirëmbajtja dhe ristrukturimi i shtresave (dysHEMEVE) të realizuara me materiale të veçanta, natyrore ose artificiale, të cilat janë me ngarkesa të konsiderueshme, si mund të jenë pistat aeroportuale.

N.S – 11 Punime në shina dhe traversa

Konsiderohet vendosja në vepër, mirëmbajtja sistematike ristrukturimi i binarëve për çfarëdo lloj hekurudhe, metroje, tramvaji, si edhe sistemin e frenimit dhe automatizimin e stacioneve të mallrave.

N.S - 12 Impiante teknologjike, termike dhe të kondicionimit

Konsiderohen montimi dhe mirëmbajtje ose ristrukturimi i një sistemi të plotë, sido që të jetë shkalla e rëndësisë së tyre, të ngrohjes, ventilimit dhe kondicionimit të klimës, të impianteve pneumatike, të kompletuara me punimet murature, plotësuese ose ndihmëse, për të realizuar bashkimet ose ndërhyrjet që i përkasin kategorive të përgjithshme që janë realizuar ose janë në proces realizimi.

N.S - 13 Impiante dhe linja telefonie dhe telekomunikacioni

Konsiderohet montimi, mirëmbajtja dhe ristrukturimi i linjave telefonike të jashtme dhe impiante të telekomunikacionit me frekuencë të lartë, sido që të jetë shkalla e rëndësisë së tyre, të kompletuara me çdo punim të lidhur me muraturën, plotësuese ose ndihmëse, për tu realizuar, të ndara nga zbatimi i sistemeve të tjera që janë realizuar ose janë duke u realizuar në punimet e përgjithshme.

N.S- 14 Impiante të brendshme elektrike, telefonike, radiotelefoni TV

Konsiderohet montimi, mirëmbajtja dhe ristrukturimi i linjave elektrike, telefonike, radiotelefoni e TV, si edhe të linjave të trasmetimit të ngjashme me to, të kompletuar me çdo punim të lidhur me muraturën, plotësuese ose ndihmëse, për t'u realizuar, të ndara nga zbatimi i sistemeve të tjera që janë realizuar ose janë duke u realizuar në punimet e përgjithshme.

N.S.- 15 Pastrimi i ujërave detar, liqenore dhe lumorë

Konsiderohet pastrimi me mjete teknike speciale të veçantë të çfardo lloj uji dhe të transportit të materialeve që dalin nga pastrimi i tij në vende të caktuara me akte normative.

N.S.- 16 Ndërtimi i impianteve të ujit të pijshëm dhe pastrimit të tij

Konsiderohet ndërtimi, mirëmbajtja, ristrukturimi i impianteve të ujit të pijshëm të ujërave që duhen pastruar, përfshirë edhe grumbullimin e biogazit dhe të prodhimit të energjisë elektrike e kompletuar me çdo punim të lidhur me muraturën, plotësues ose ndihmës, të veçanta ose në rrjet.

N.S - 17 Ndërtimi i impiantëve të grumbullimit dhe trajtimit të mbetjeve urbane

Konsiderohet zbatimi dhe mirëmbajtja e zakonshme ose jashtëzakonshme, e impiantit të djegies së mbetjeve e lidhur me sistemin e trajtimit të tymrave, e ripërdorimit të materialeve përfshirë makineritë e seleksionimit, kompostimin dhe prodhimin e derivateve të djegshme nga mbetjet, e kompletuar me çdo punim të lidhur me muraturën, plotësues ose ndihmës, të veçanta ose në rrjet.

N.S - 18 Punime topogjeodezike

Konsiderohet zbatimi i rievimeve topografike speciale që kërkojnë mjete dhe organizim të veçantë, punime topogjeodezike në objekte inxhinierike, punime speciale gjeodezike; rrjeta mbështetëse dhe qëndrueshmëri terrenesh.

N.S - 19 Sistemi i mbojtjes nga zhurmat në infrastrukturë

Konsiderohet ndërtimi dhe vendosja në vepër, mirëmbajtja dhe verifikimi akustik i objektit për zhurmën me origjinë rrugore, hekurudhore, të barrierave metalike betonarme, dru xham, ose material plastik transparent, të mureve dopio, të mureve poroze ose të tullave poroze, gjithashtu edhe të veshjeve zëizoluese të pareteve të terrenit ose të tuneleve.

N.S- 20 Shpime gjeologo-inxhinierike, puse e shpime për ujë:

Përfshihen shpimet për të vlerësuar gjeologjinë për ndërtimin e objektit inxhinierik. Shpimet për ujë dhe puse.

LIDHJA 4

Kalsifikimi paraprak i shoqërive ndërtimore sipas niveleve për çdo kategori punimesh zbatimi

NIVELI I SHOQËRISË	SIPAS VLERAVE NË LEKË TË PUNIMEVE TË KRYERA PËR ÇDO KATEGORI PUNIMI
A (edhe për herë të parë)	0- 20 milion lekë

B	21- 50 milion lekë
C	51 – 100 milion lekë
D	101 – 200 milion lekë
E	201 – 400 milion lekë
F	401 – 800 milion lekë
G	mbi 800 milion lekë

LIDHJA 5

Nr.	Titulli i diplomës Universitare	Dega
1	Ndërtim	Ndërtim para vitit 1971
2		Qytetare Industriale
3		Civile Industriale
4		Përgjithshëm
5		Strukturist
6		Transport e Infrastrukturë
7		Civile Industriale Ura
8		Rruga Ura

9		Rruga Ura e Vepra nëntokësore
10		Hidroteknik
11		Hidroteknik Rruga Ura
12		Gjeodezi
13		Mjedis
14		Arkitekturë para viteve 85
15	Mekanik	Degë të Inxhinierisë mekanike
16	Elektrik	Degë të inxhinierisë elektrike
17	Gjeologji	Gjeolog
18		Markshajder
19		Ndërtim miniere

FORMULARI 5/1

EMERTIMI I SHOQËRISË QË KËRKON LICENCIM

Rezidenca/adresa e plote, _____

Telefon / mobil / e-mail _____

Përfaqësues ligjor _____

(emer, atësi, mbiemër)

Drejtues teknik (me të cilët kërkon të marrë licencën)

ekzistues / iken / shtohet1. _____
(emër,atësi, mbiemër, titull diplome, vit diplomimi)

--	--	--

2. _____
(emër,atësi, mbiemër, titull diplome, vit diplomimi)

--	--	--

3. _____
(emër,atësi, mbiemër, titull diplome, vit diplomimi)

--	--	--

4. _____
(emër,atësi, mbiemër, titull diplome, vit diplomimi)

--	--	--

5. _____
(emër,atësi, mbiemër, titull diplome, vit diplomimi)

--	--	--

(vendosni shenje në kutinë në krah të aplikimit që kryeni)

APLIKON PËR:

LICENIM PËR HERË TË PARË

☐

SHITESË TË KATEGORIVE

☐

RRITJE TË NIVELIT TË KLASIFIKIMIT
 NRYSHIM TË DREJTUESIT/DREJTUESVE TEKNIK
 NDRYSHIM TË DREJTUESIT LIGJOR
 DUBLIKATË TË LICENCES
 NDRYSHIM TË EMRIT TË SHOQËRISË

RILICENCIM ME FORMULARIN E RI TE LICENCAVE

Deklaroj se angazhohem të njohë e të zbatoj në veprimtarinë e shoqërisë KTZ, STASH dhe të gjitha ligjet në fuqi në fushën e ndërtimit si dhe të dërgojë informacion periodik për veprimtarinë e shoqërisë. Jam në dijeni të të gjitha pasojave që mund të kemë si rezultat i deklarimeve të rreme apo paraqitjes se dokumentave të pavërteta.

Drejtuesi ligjor

SHENIM: Per cdo informacion shtese per te cilin nuk ka vend per tu paraqitur, perdorni nje flete te bardhe dhe pasi ta nenshkruali, bashkelidheni ketij formulari

LIDHJA 7

VETDEKLARIMI 7/1

“Deklaroj në përgjegjësinë time, në njohje të plotë të pasojave që sjell një deklaram i pavërtetë se:

Nuk kam asnjë çështje gjyqësore të hapur dhe nuk jam në ndjekje penale nga organet e prokurorisë në lidhje me profesionin ku kërkoj të licenohem (ose në rast se ka – deklaroj : Kam çështje gjyqësore të hapur në gjykatën e rrethit _____ (shoqëruar me motivin e çështjes) apo/dhe jam në ndjekje penale nga organi i prokurorisë së rrethit _____ (shoqëruar me motivin e ndjekjes)”.

Deklaruesi

(emër,mbiemër, firma)

VETDEKLARIMI 7/2

“Deklaroj në përgjegjësinë time, në njohje të plotë të pasojave që sjell një deklaram i pavërtetë se:

Nuk kam asnjë çështje gjyqësore të hapur dhe nuk jam në ndjekje penale nga organet e prokurorisë në lidhje me profesionin ku kërkoj të licenohem (ose në rast se ka – deklaroj :

Kam çështje gjyqësore të hapur në gjykatën e rrethit _____ (shoqëruar me motivin e çështjes) apo/dhe jam në ndjekje penale nga organi i prokurorisë së rrethit _____ (shoqëruar me motivin e ndjekjes)”.
Nuk jam i punësuar në asnjë punëmarrje tjetër jashtë këtij subjekti ku aplikoj.

Deklaruesi

(emër,mbiemër, firma)

VETDEKLARIMI 7/3

“Deklaroj në përgjegjësinë time, në njohje të plotë të pasojave që sjell një deklaram i pavërtetë se:

Nuk kam asnjë çështje gjyqësore të hapur dhe nuk jam në ndjekje penale nga organet e prokurorisë dhe nuk ka asnjë penalizim të licencës aktuale të shoqërisë që drejtoj nga organet e policisë së ndërtimit (ose në rast se ka – deklaroj : Kam çështje gjyqësore të hapur në gjykatën e rrethit _____ (shoqëruar me motivin e çështjes) apo/dhe kam penalizim të licencës

aktuale_____ nga Dega e policisë së ndërtimit_____(shoqëruar me masën dhe motivin e penalizimit)”.

Deklaruesi

(emër,mbiemër, firma)

VENDIM
Nr.45, datë 16.1.2008

**PËR MIRATIMIN E RAPORTIT PËR INVENTARIN E SKEMAVE EKZEKUTUESE TË
NDIHMËS SHTETËRORE NË SHQIPËRI**

Në mbështetje të nenit 100 të Kushtetutës dhe të neneve 17, shkronja “dh”, e 18, shkronja “e” të ligjit nr.9374, datë 21.4.2005 “Për ndihmën shtetërore”, me propozimin e Ministrit të Ekonomisë, Tregtisë dhe Energjetikës, Këshilli i Ministrave

VENDOSI:

Miratimin e raportit për inventarin e skemave ekzistuese të ndihmës shtetërore në Shqipëri, sipas tekstit, që i bashkëlidhet këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

RAPORT **PËR INVENTARIN E SKEMAVE EKZISTUESE** **TË NDIHMËS SHTETËRORE NË SHQIPËRI**

1. Hyrje

Fusha e ndihmës shtetërore është një nga fushat prioritare në kuadër të procesit të integritetit, detyrimet e së cilës përcaktohen në nenet 70 dhe 71 të Marrëveshjes së Stabilizim Asociimit dhe në nenin 37 të Marrëveshjes së Përkohshme.

Në këto nene shprehet qartë nevoja e përgatitjes së kuadrit ligjor, të harmonizuar me “*acquis communautaire*”, si dhe e ngritjes së strukturës së pavarur nga ana funksionale, që do të merret me kontrollin e skemave financiare të ndihmës shtetërore dhe ndihmave individuale që zbatohen në Shqipëri, si dhe që duhet të ketë të gjitha fuqitë e mjaftueshme ligjore për të kërkuar kthimin e ndihmave shtetërore të paligjshme.

MSA kërkon, gjithashtu, zbatimin e parimit të transparencës për të gjitha masat e ndërmarra nga organet e administratës qendrore dhe vendore, si dhe institucionet e tjera që veprojnë në emër të shtetit, që lidhen me përdorimin e burimeve shtetërore. Për këtë, kërkohet përgatitja e një inventari gjithëpërfshirës së skemave ekzistuese të ndihmës shtetërore dhe vlerësimi i tyre sipas standardeve europiane, i cili duhet t’i paraqitet Komisionit Europian.

Më konkretisht, neni 71/6 i MSA-së parashikon:

“Shqipëria do të hartojë një inventar gjithëpërfshirës së skemave të ndihmës, të krijuara para ngritjes së autoritetit të përmendur në paragrafin 4 dhe të sigurojë pajtueshmërinë e këtyre skemave të ndihmës me kriteret e përmendura në paragrafin 2 të këtij neni brenda një periudhe jo më shumë se katër vjet nga hyrja në fuqi e kësaj Marrëveshjeje.”

Të njëjtin detyrim e përcakton edhe neni 37/6 i Marrëveshjes së Përkohshme, e cila ka hyrë në fuqi që nga 1 dhjetori 2006.

2. Kuadri ligjor dhe institucional për kontrollin e ndihmave shtetërore

Aktualisht, ekziston një kuadër i plotë ligjor në fushën e ndihmës shtetërore, i cili reflekton rregullat bazë të legjislacionit europian në këtë fushë. Përveç ligjit nr. 9374, datë 21.4.2005 “Për ndihmën shtetërore” dhe tri rregulloreve në zbatim të tij:

1. Rregullorja “Për kushtet dhe procedurat e dhënies së ndihmës rajonale”, miratuar me vendim të Këshillit të Ministrave nr.815, datë 28.12.2005.

2. Rregullorja “Për kushtet dhe procedurat e dhënies së ndihmës për shpëtim dhe ristrukturim”, miratuar me vendim të Këshillit të Ministrave nr. 816, datë 28.12.2005.

3. Rregullorja “Për procedurat dhe formën e njoftimit”, miratuar me vendim të Këshillit të Ministrave nr. 817, datë 28.12.2005 nga Komisioni i Ndihmës Shtetërore, janë miratuar:

- Rregullorja “Për organizimin dhe funksionimin e Komisionit të Ndihmës Shtetërore” me vendim nr.1, datë 31.5.2006 dhe;

- Udhëzimi “Për paraqitjen e ankesave për ndihmat e paligjshme dhe vlerësimin e ndihmave të paligjshme” me vendim nr. 7, datë 20.10.2006.

Bazuar në ligjin nr. 9374, datë 21.4.2005 “Për ndihmën shtetërore” dhe në vendimin e Këshillit të Ministrave nr.182, datë 26.3.2006 “Për ngritjen e Komisionit të Ndihmës Shtetërore”, janë krijuar dhe funksionojnë të dy strukturat e kontrollit të ndihmës shtetërore: Drejtoria e Ndihmës Shtetërore (DNSH) në Ministrinë e Ekonomisë, Tregtisë dhe Energjetikës, si dhe Komisioni i

Ndihmës Shtetërore (KNSH). DNSH është struktura e ngarkuar me detyrat tekniko-administrative për kontrollin e ndihmave shtetërore në Shqipëri. Ndërsa KNSH-ja është organi vendimmarrës, i cili ka kompetencë të autorizojë planet për dhënien e ndihmës shtetërore apo të urdhërojë kthimin e ndihmave të dhëna në mënyrë të paligjshme. Në bazë të dispozitave të ligjit, KNSH-ja është një organ kolegjal, i përbërë nga pesë anëtarë, i cili gëzon pavarësi në ushtrimin e funksioneve të tij.

3. Inventari i skemave ekzistuese të ndihmës shtetërore

Ligji nr. 9374, datë 21.4.2005 ka hyrë në fuqi duke filluar nga data 1 janar 2006 dhe i gjithë ky proces është paraprirë nga një sërë sesionesh trajnimi apo konsultimesh bilaterale me dhënësit e ndihmës në nivel qendror apo vendor.

Përveç dispozitave që përcaktojnë parimet dhe procedurat në dhënien dhe kontrollin e ndihmave shtetërore, në nenin 35 të tij, ligji përcakton detyrimin për dhënësit e ndihmës që brenda 6 muajve nga hyrja në fuqi e tij, të raportojnë pranë DNSH-së të gjitha skemat ekzistuese të ndihmës.

Sikurse përcaktohet në ligj, skemë e ndihmës shtetërore është çdo akt normativ mbi bazën e të cilit, në formë të përgjithshme dhe pa pasur nevojën e akteve të tjera zbatuese, mund t'u jepet ndihmë ndërmarrjeve.

Ndërsa, ndihmë shtetërore ekzistuese, konsiderohet çdo skemë e ndihmës shtetërore, e dhënë para hyrjes në fuqi të ligjit dhe që zbatohet edhe pas hyrjes në fuqi të tij, si dhe çdo skemë e ndihmës shtetërore dhe ndihmë individuale, që është miratuar në përputhje me ligjin dhe rregulloret e nxjerrja në zbatim të tij.

Duke shqyrtuar legjislacionin shqiptar në fuqi, u bë një klasifikim i akteve normative që përmbanin elemente të ndihmës shtetërore. Konkretisht, u përgatit një listë, evidencë e këtyre akteve, e cila është shqyrtuar me imtësi nga stafi i DNSH-së dhe ekspertët e projektit CARDS 2002, duke eliminuar ato masa që nuk përmbanin elemente të ndihmës shtetërore. Për sa u takonte masave që përmbanin elemente të ndihmës shtetërore, nga institucionet përkatëse është kërkuar një informacion më i plotë dhe i detajuar, nëpërmjet plotësimit të formularëve të skemave ekzistuese. Pas shqyrtimit të të gjitha informacioneve dhe të dhënave të marra nga ministritë e linjës, janë regjistruar 15 skema ekzistuese të ndihmës shtetërore, të cilat përfshijnë ligje dhe vendime të Këshillit të Ministrave për mbështetjen nëpërmjet burimeve shtetërore në sektorë të tillë, si: sektori i ujësjellës-kanalizimeve, transporti hekurudhor i udhëtarëve, energjia dhe sektori i hidrokarbureve, industria minerare, turizmi, punësimi, shëndetësia etj. Gjithashtu, nga shqyrtimi i këtyre skemave vihet re se mbështetja nga ana e shtetit bëhet si nëpërmjet subvencionimit të drejtpërdrejtë, pra nëpërmjet zërit 603 të buxhetit, ashtu edhe nëpërmjet lehtësirave të ndryshme fiskale, si përjashtim nga taksat apo detyrimet doganore, shtyrje e pagesave apo shlyerje e detyrimeve të prapambetura etj. Më poshtë, po paraqesim në mënyrë më të detajuar instrumentet konkrete të përdorura në skemat ekzistuese të ndihmës shtetërore, analizën dhe vlerësimin e bërë nga strukturat e kontrollit të ndihmës shtetërore, së bashku me propozimet për rishikimin apo shfuqizimin e tyre.

4. Format e ndihmës dhe sektorët

4.1. Subvencione të drejtpërdrejta nga Buxheti i Shtetit

Në zërin 603 të Buxhetit të Shtetit, prej vitesh, ka pasur subvencionim për sektorë të ndryshëm të ekonomisë, ku përfshihen arsimi, shëndetësia, shërbimet e interesit të përgjithshëm, bujqësia, pyjet, peshkimi dhe gjuetia, transporti dhe telekomunikacionet, energjia, etj. Për një pjesë të këtyre sektorëve edhe aktualisht vazhdon subvencionimi, por, sikurse theksuam edhe më lart, nga shqyrtimi dhe vlerësimi i masave, skemat e mbështetjes për sektorët e arsimit dhe shëndetësisë u vlerësuan në kategorinë e masave me karakter të përgjithshëm dhe nuk u përfshinë në inventarin e skemave ekzistuese të ndihmës. Tabela 1 paraqet subvencionet e dhëna nga Buxheti i Shtetit për periudhën 2001-2005.

Tabela 1: Subvencionet e akorduara nga buxheti i shtetit për periudhën 2001-2005 (në milionë lekë)

	Funksioni /Vitet	2001	Ne % ndaj totalit	2002	Ne % ndaj totalit	2003	Ne % ndaj totalit	2004	Ne % ndaj totalit	2005	Ne % ndaj totalit
1	Sherbime te pergjithshme publike *	71,60	0,99	965,00	15,50	2.260,00	31,31	85,00	2,04	85,00	3,11
2	Mbrojtja	-	-	-	-	-	-	-	-	-	-
3	Rendi dhe siguria sociale	-	-	-	-	-	-	-	-	-	-
4	Arsimi	540,00	7,49	542,80	8,72	627,02	8,69	600,00	14,41	710,00	25,96
5	Shendetesia	-	-	-	-	-	-	-	-	-	-
6	Sigurimi dhe Ndhima Sociale	400,00	5,55	310,00	4,98	150,00	2,08	200,00	4,80	100,00	3,66
7	Strehimi dhe Sherbimet Komunale	-	-	71,00	0,01	-	-	800,00	19,21	780,00	28,52
8	Argetimi, Kulture dhe Ceshnje Fetare	-	-	-	-	-	-	-	-	-	-
9	Energjia	5.850,00	81,11	3.780,00	60,71	3.800,00	52,64	1.700,00	40,82	-	-
10	Bujqesia, Pyjet, Peshkimi dhe Gjuetia	226,00	-	244,00	0,04	227,50	-	330,00	7,92	610,00	22,30
11	Burimet Minerare	-	-	-	-	-	-	-	-	-	-
12	Transporti dhe Komunikacionet **	565,47 *	7,27	434,78 *	6,53	581,09 *	7,45	450,00	10,80	450,00	16,45
13	Sherbime te tjera ekonomike	122,00	1,69	135,84	0,02	90,57	1,25	-	-	-	-
14	Shpenzime te tjera	3,00	0,04	178,17	2,86	63,47	0,88	-	-	-	-
	Totali	7.212,60		6.226,81		7.218,56		4.165,00		2.735,00	
	PPB	590.282,41		628.527,45		694.019,64		752.367,77		822.034,56	
	Subvencionet ndaj PPB ne %	1,22		0,99		1,04		0,55		0,33	

* Kjo kategori përfshin ndërmarrjet e ujësjellës kanalizimeve

** Për vitet 2001-2003, në këtë grup përfshihet subvencioni i akorduar për sh.a Hekurudhat dhe për organet e qeverisjes vendore për transportin urban

Në inventarin e skemave ekzistuese është përfshirë subvencioni i drejtpërdrejtë për përballimin e shpenzimeve në sektorët që ofrojnë shërbime publike, kryesisht në sektorin e ujësjellës-kanalizimeve dhe në atë të transportit hekurudhor. Sigurisht një pjesë e këtij subvencioni është alokuar për të mbuluar diferencën midis çmimit dhe koston së shërbimit që ofrohet. Megjithatë, nga analiza e bërë, rezulton se një pjesë e subvencionimit është bërë për të mbuluar shpenzimet operationale të ndërmarrjeve përfutuese dhe dhënia e subvencionit nuk i është nënshtruar një vlerësimi të kujdesshëm ekonomiko-financiar, në mënyrë që të shmangej çdo lloj mbikompensimi. Më konkretisht:

4.1.1 Skema ekzistuese për subvencionimin e ndërmarrjeve të ujësjellësit

Kjo skemë synonte të ndihmonte ndërmarrjet e ujësjellësit, duke iu ofruar një subvencionim të përvitshëm nga Buxheti i Shtetit, në mënyrë që të mbulonin një pjesë të kostove operative: pagat, sigurimet shoqërore, blerjen e lëndëve kimike dhe shpenzimet për energjinë elektrike.

Si bazë për dhënien e subvencionit kanë qenë ligjet e Buxhetit të Shtetit, në zërin 603, shpenzime të përgjithshme publike, si dhe udhëzimet e Ministrit të Financave për zbatimin e Buxhetit të Shtetit për vitin përkatës financiar.

Të dhënat historike të Ministrisë së Punëve Publike, Transportit dhe Telekomunikacionit (MPPTT), tregojnë se plani i subvencionit në Buxhetin e Shtetit çdo vit kishte parashikuar mbulimin e rreth 40 % të nevojave të ndërmarrjeve të ujësjellës-kanalizimeve. Pjesën më të madhe të koston së këtyre shoqërive vazhdojnë ta përbëjnë shpenzimet për energji elektrike, të cilat po pësojnë rritje çdo vit (siç do të analizohet edhe më poshtë në skemën e shlyerjes së detyrimeve të prapambetura).

Skema mund të justifikohet për shkak të natyrës së saj, meqenëse kontribuonte në një nga sektorët e ofrimit të shërbimit publik. Megjithatë, duke analizuar të dhënat u vu re se:

- Në dhënien dhe zbatimin e skemës në vite, nuk kishte pasur një plan të plotë e të mirargumentuar të zhvillimit të sektorit.

- Mungonte korrelacioni midis problematikës së ndeshur në ndërmarrjet e ujësjellësve dhe dhënies së subvencionit përkatës, pra nuk ishte bërë ndarja proporcionale e subvencionit, duke reflektuar mangësitë që ai duhej të rregullonte.

- Ndhima nuk ka qenë e kufizuar në kohë dhe nuk ishte zvogëluar në mënyrë progresive.

Në bazë të nenit 7 të rregullores “Për kushtet dhe procedurat e dhënies së ndihmës rajonale”, miratuar me vendim të Këshillit të Ministrave nr.815, datë 28.12.2005 ndihma operationale, në parim është e ndaluar, me përjashtim të rasteve kur plotësohen kushtet:

1. ndihma është e justifikuar për shkak të natyrës së saj dhe për kontributin që jep në zhvillimin rajonal;

2. vlera e saj është në përpjesëtim me mangësitë që kërkon të rregullojë;

3. ndihma është e kufizuar në kohë dhe zvogëlohet në mënyrë progresive.

Siç u theksua edhe më sipër, kjo masë mund të klasifikohet si një shërbim me interes të përgjithshëm ekonomik, por ndihma për përmbushjen e detyrimeve të shërbimeve publike mund të

lejohet, nëse plotësohen kushtet e mëposhtme:

1. përfituesit i është përcaktuar qartë detyrimi i ofrimit të shërbimit publik;
2. parametrat për llogaritjen e ndihmës përcaktohen paraprakisht në mënyrë transparente dhe objektive;
3. ndihma nuk tejkalon kostot e nevojshme për të siguruar ofrimin e shërbimit publik;
4. ndihma e nevojshme për kompensimin e ofrimit të shërbimit publik përcaktohet mbi bazën e kostos që do të kishte një ndërmarrje efçente.

Në këto kushte, KNSH-ja, mori vendimin nr. 5, datë 20.10.2006, ku propozoi që :

- MPPTT dhe Ministria e Brendshme (MB), në procesin e transferimit të së drejtës së pronësisë së ndërmarrjeve të ujësjellësit drejt pushtetit vendor, të merrte parasysht subvencionimin e këtyre ndërmarrjeve për ofrimin e shërbimit publik.

- Masa e subvencionit të zvogëlohet në mënyrë progresive, të jetë e kufizuar në kohë dhe vlera e subvencionit të jetë në përpjesëtim me mangësitë që kërkon të rregullojë kjo lloj mbështetjeje. Pra, subvencioni të jepet pas një analize të plotë dhe të saktë të treguesve ekonomiko-financiarë të secilës prej ndërmarrjeve dhe të mbulojë, kryesisht, shpenzimet për investime.

- Subvencioni nuk duhet të tejkalojë kostot e nevojshme për të siguruar ofrimin e shërbimit publik dhe, në këtë rast, ofrimi i shërbimit duhet të ketë llogari të ndarë, për të shmangur çdo lloj mbikompensimi. Për përcaktimin e tarifave, rast pas rasti, dhënësit e ndihmës (MPPTT dhe organet e pushtetit vendor) duhet të bashkëpunojnë me Entin Rregullator të Ujit.

- Subvencioni për ndërmarrjet e ujësjellësit të përcaktohet nga dhënësit e ndihmës mbi bazën e kostos që do të kishte një ndërmarrje efçente që do të ushtronte veprimtarinë në këtë sektor.

Vendimi i KNSH-së iu bë i ditur MPPTT-së dhe MB-së dhe iu kërkuar që brenda 30 ditëve kalendarike të njoftonin me shkrim pranë Drejtorisë së Ndihmës Shtetërore pranimin e masave të propozuara.

MPPTT pasi u njoh me vendimin e marrë nga KNSH, u shpreh dakord me propozimet e dhëna. Gjithashtu, MPPTT-ja komentoi se ishte në fazën e decentralizimit të drejtimit të ndërmarrjeve të ujësjellës-kanalizimeve dhe transferimit të këtij shërbimi drejt pushtetit vendor, megjithatë, siguroi që propozimet e paraqitura në vendimin e KNSH-së do të merreshin parasysht gjatë këtij procesi.

4.1.2 Skema ekzistuese e subvencionimit të hekurudhave

Kjo skemë synont të ndihmojë ndërmarrjen e hekurudhave, duke i ofruar një subvencionim të përvitshëm nga Buxheti i Shtetit, në mënyrë që të kompensohen kostot e ofrimit të shërbimit publik për këtë sektor, në veçanti, mbulimi i shpenzimeve operative të shërbimit të transportit të udhëtarëve. Pavarësisht se skema mbulon sektorin e transportit hekurudhor, përfituesi i saj është një ndërmarrje e vetme, Hekurudha Shqiptare sh.a. (HSH).

Si bazë për dhënien e subvencionit të hekurudhave është ligji nr.9339, datë 21.12.2004 “Për Buxhetin e Shtetit të vitit 2005, si dhe udhëzimi nr.8, datë 27.1.2005 “Për zbatimin e Buxhetit të Shtetit për vitin 2005”, si dhe të gjitha ligjet e buxhetit në vite.

Për çdo vit Buxheti i Shtetit, në formë subvencionesh, ka akorduar për HSH-në rreth 4 milionë USD për aktivitetin e operimit dhe 3-4 milionë USD për investime kapitale. Megjithë subvencionin e dhënë në vite, bilanci vjetor rezulton me humbje dhe nga analiza e treguesve u vu re se ndërmarrja, nuk kishte pasur në dispozicion fondet e nevojshme për mirëmbajtjen dhe investimet, të domosdoshme për ta shndërruar atë në një ndërmarrje efçente.

Gjithashtu, u vu re se nuk ishin marrë masa konkrete për zbatimin e nenit 63, pika 1 të Kodit Hekurudhor, të miratuar me ligjin nr.9317, datë 18.11.2004 në lidhje me përcaktimin e detyrimit të ofrimit të shërbimit publik të transportit të udhëtarëve, ku HSH-së duhej t'i jepej e drejta që të përshtaste tarifat e transportit me vlerën e pambuluar nga subvencioni. Por kjo gjë do të kërkonte në radhë të parë lidhjen e kontratës për detyrimin e ofrimit të shërbimit publik për transportin e udhëtarëve, si dhe ndarjen e llogarive të transportit të udhëtarëve me aktivitetet e tjera të ndërmarrjes.

Në analizë u mor parasysht edhe këndvështrimi i legjislacionit europian për këtë sektor, sipas të cilit, kontributi nga Buxheti i Shtetit mund të lejohet në formën e ndihmës për ofrimin e shërbimit publik; ndihmës shtetërore për infrastrukturën, e cila mund të jepet si për kostot operationale për menaxhimin dhe mirëmbajtjen në infrastrukturë, ashtu edhe në formën e granteve për investime në infrastrukturë, ndihmës shtetërore për normalizimin e llogarive, pra sistemimin e të gjitha llogarive,

veçanërisht ato që lidhen me detyrime të mëparshme që i janë vendosur ndërmarrjes, si rezultat i transferimit të detyrimeve të ndërmarrjeve të tjera shtetërore, si dhe ndihmës shtetërore për ristrukturim, në mënyrë që të eliminohen kapacitetet e tepërta të ndërmarrjes, të tilla si: mbyllja e linjave apo aktiviteteve joeficiente, të shoqëruara me ristrukturimin e fuqisë punëtore (dhënia për punonjësit e larguar të një viti rrogë ose asistencë).

Në këto kushte KNSH-ja, mori vendimin nr. 8, datë 2.2.2007, ku propozoi që:

- Ministria e Punëve Publike, Transportit dhe Telekomunikacionit, brenda datës 31 mars 2007, të lidhte kontratën publike me Hekurudhën Shqiptare sh.a., në të cilën të përcaktohej qartë detyrimi i HSH-së për të ofruar shërbimin publik të transportit të udhëtarëve;

- Të bëhej ndarja e llogarive për pjesën që i takonte transportit të udhëtarëve nga veprimtaritë e tjera të HSH brenda datës 31 korrik 2007, në mënyrë që të përcaktohej saktë kosto e ofrimit të shërbimit publik;

- Të bëhej llogaritja e saktë e vlerës së kompensimit që mund të përfitonte HSH-ja për të ofruar këtë shërbim publik. Në rast se nuk do të kompensohej e gjithë shuma e nevojshme për ofrimin e shërbimit publik të transportit të udhëtarëve, atëherë të lejohej HSH-ja të përshtaste tarifat për vlerën e pambuluar nga subvencioni, dhe

- Së fundi, iu kërkua MPPTT të merrte të gjitha masat, deri në fund të vitit 2007, për përgatitjen e një plani për zhvillimin e sektorit hekurudhor, në mënyrë që ai të hapej për konkurrencë, duke filluar nga ndarja e menaxhimit të infrastrukturës prej shërbimeve të tjera të transportit hekurudhor.

MPPTT e vlerësoi si një kërkesë të avancuar dhe praktikisht të pamundur propozimin e KNSH-së për ndarjen e llogarive të transportit të udhëtarëve nga veprimtaritë e tjera të HSH-së brenda datës së përcaktuar në vendimin e KNSH-së, duke kërkuar realizimin e këtij detyrimi për periudhën në vazhdim. Lidhur me përshtatjen e tarifës për transportin e udhëtarëve, për vlerën e pambuluar të çmimit nga vetë HSH-ja, MPPTT-ja komentoi se nëse do të lejohej një veprim i tillë, kjo do të shkaktojte rritje të madhe të çmimit të biletave.

MPPTT-ja u shpreh dakord me propozimin për përgatitjen e një plani për zhvillimin e sektorit hekurudhor, duke e vlerësuar atë me hapa konkretë në realizimin e studimeve nga konsulentë të huaj. MPPTT-ja u shpreh se po punohej për hartimin e akteve nënligjore të Kodit Hekurudhor të Republikës së Shqipërisë me qëllim përshpejtimin e hapave për hapjen e tregut të transportit hekurudhor edhe për transportues të tjerë.

KNSH-ja, pasi shqyrtoi argumentet e paraqitura nga MPPTT-ja për moszbatimin e disa prej masave të propozuara prej tij, nuk i mori ato në konsideratë dhe me vendimin nr. 15, datë 15.3.2007, vendosi lënien në fuqi të masave të propozuara në vendimin e KNSH-së nr. 8, datë 2.2.2007.

Theksojmë se më datë 25.7.2007 ndërmjet MPPTT-së dhe HSH-së është nënshkruar kontrata për detyrimin e ofrimit të shërbimit publik për transportin e udhëtarëve dhe mbështetjen financiare nga ana e shtetit. Edhe kushti i përcaktuar në pikën 2 të vendimit nr. 8 të KNSH-së, për ndarjen e llogarive të transportit të udhëtarëve parashikohet të përmbushet, duke filluar nga data 1.1. 2008.

4.2 Përfshirja nga taksat

Në këtë kategori hyjnë disa skema, të cilat i janë nënshtruar një procesi rishikimi, gjatë kohës që ka hyrë në fuqi ligji nr. 9374, datë 21.4.2005 “Për ndihmën shtetërore”, ku përfshihen ligji “Për zhvillimin e zonave që kanë përparësi turizmin”, ligji “Për koncesionet”, ligji “Për zonat e lira” dhe ligji “Për disa ndryshime e plotësime në ligjin nr. 7609, datë 22.9.1992 “Për tarifat doganore”. Këto skema kanë pësuar amendime pjesore ose tërësore, duke synuar të përshtaten me legjislacionin evropian në fushat përkatëse.

4.2.1 Skema ekzistuese: ligji nr. 7665, datë 21.1.1993 “Për zhvillimin e zonave që kanë përparësi turizmin” shfuqizuar me ligjin nr. 9734, datë 14.5. 2007 “Për turizmin”

Kjo skemë synonte nxitjen e investimeve në sektorin e turizmit, nëpërmjet përjashtimeve të ndryshme nga taksat, si dhe dhënies së garancive nga ana e shtetit për subjektet që ushtrojnë veprimtarinë në këtë sektor.

Skema fillestare, përfshinte personat e stimuluar, të cilët, sipas ligjit nr. 7665, datë 21.01.1993 “Për zhvillimin e zonave që kanë përparësi turizmin”, më konkretisht, neni 6, germet “d”, “dh”, “e” dhe “ë” të tij, kishin të drejtën të përjashtoheshin nga taksat e detyrimet doganore, si dhe të kundërbalanconin humbjet e pësuar gjatë 5 viteve të para të zhvillimit të veprimtarisë. Lejet e dhëna

në bazë të atij ligji, janë aplikuar jo vetëm për zhvillimet e lidhura me turizmin, por edhe për forma të tjera zhvillimi brenda zonës, që kanë prekur qëllimin dhe theksin turistik të tyre.

Megjithëse në ligjin nr. 7665, datë 21.1.1993, “Për zhvillimin e zonave që kanë përparësi turizmin” jepej e drejta e lidhjes së marrëveshjes për qiranë e tokës, në të nuk përcaktoheshin strukturat e menaxhimit dhe kontrollit, si dhe nuk krijohet lidhje ndërmjet mbështetjes së dhënë me kriteret dhe standardet e pritshme të zhvillimit. Gjithashtu, ka pasur mangësi të theksuara në të dhënat për zbatimin e skemës në vite.

Ndryshe nga ligji i vjetër, që përmbante në vetvete skema të drejtpërdrejta të ndihmës shtetërore për sektorin e turizmit, ligji i ri nr. 9734, datë 14.5.2007 “Për turizmin”, parashikon në formë të përgjithshme mekanizmat e mbështetjes financiare.

Ligji i ri parashikon nxjerrjen e akteve nënligjore për procedurat që duhen ndjekur për dhënien apo monitorimin e skemave mbështetëse për këtë sektor dhe ngarkon Agjencinë Kombëtare të Turizmit për hartimin e programeve financiare për mbështetjen e turizmit dhe ndjekjen e të gjitha procedurave për dhënien dhe menaxhimin e asistencës financiare për ndërmarrjet që ushtrojnë veprimtarinë në fushën e turizmit.

Pavarësisht mendimeve që janë dhënë nga ana e DNSH-së në procesin e hartimit dhe miratimit të ligjit nr. 9734, datë 14.5.2007 “Për turizmin”, skema u shqyrtua në një analizë të veçantë nga, KNSH-ja, i cili, mori vendimin nr.18, datë 1.11.2007, ku, në veçanti:

- E konsideroi në përputhje me dispozitat e legjislacionit të ndihmës shtetërore në fuqi ligjin nr. 9734, datë 14.5.2007 “Për turizmin” që ka shfuqizuar skemën ekzistuese të ndihmës shtetërore, ligjin nr. 7665, datë 21.1.1993 “Për zhvillimin e zonave që kanë përparësi turizmin”;

- Përcaktoi që të gjitha organet shtetërore që, në bazë të nenit 19 të ligjit nr. 9734, datë 14.5.2007 “Për turizmin”, ndihmojnë zhvillimin e turizmit duke propozuar politika të lehtësive fiskale për bizneset turistike, për individët dhe subjektet juridike, janë të detyruar që, për çdo plan skeme ndihme apo ndihme të re individuale, të ndjekin të gjitha procedurat e parashikuara në legjislacionin e ndihmës shtetërore.

- Agjencia Kombëtare e Turizmit dhe organet e tjera shtetërore, brenda datës 31 mars të çdo viti, të raportojnë pranë DNSH-së për të dhënat e zbatimit të skemave të ndihmës dhe çdo ndihme individuale gjatë vitit paraardhës financiar në kuadër të ligjit nr.9734, datë 14.5.2007 “Për turizmin”;

- Agjencia Kombëtare e Turizmit të ruajë të dhënat për skemat e ndihmës dhe ndihmat individuale të përfituara në bazë të ligjit nr. 9734, datë 14.05.2007 “Për turizmin” deri pas 10 vjetësh nga data e dhënies së fundit së asistencës financiare në kuadër të zbatimit të këtij ligji.

4.2.2 Skema ekzistuese: ligjin nr. 7973, datë 26.7.1995 “Për koncesionet”, shfuqizuar me ligjin nr. 9663, datë 18.12.2006 “Për koncesionet”.

Kjo skemë synonte nxjerrjen e investimeve nëpërmjet zhvillimit të veprimtarisë prodhuese dhe të shërbimit, nëpërmjet marrëveshjeve koncesionare të formave të ndryshme në sektorë, të tillë si: industria e kromit, prodhimi i energjisë elektrike nga hidrocentralet lokale, ujësjellësat etj.

Si bazë për dhënien e ndihmës ka qenë ligji 7973, datë 26.7.1995 “Për koncesionet” (në veçanti, neni 14 i tij), i shfuqizuar me ligjin nr. 9663, datë 18.12.2006 “Për Koncesionet”.

Për marrëveshjet koncesionare, kontratat e miratuara ishin kryesisht sipas metodës me ofertë të pakërkuar, ndërsa investitorët privatë ishin, kryesisht, të huaj.

Ligji i vjetër kishte përcaktuar forma të ndryshme të mbështetjes shtetërore për kompanitë koncesionare, të tilla si: përjashtimin nga tatimi mbi fitimin, tarifatat doganore, taksat e qarkullimit, taksat e importit etj.

Megjithëse, ligji parashikonte në formë të përgjithshme format e mbështetjes, pasi përjashtimet shqyrtoheshin rast pas rasti dhe, koncesionet e veçanta, jepeshin vetëm me miratimin e Kuvendit të Shqipërisë, nëpërmjet një ligji të veçantë apo një marrëveshjeje, gjithashtu, të ratifikuar në Kuvend, nga kontrolli dhe vlerësimi i zbatimit të kontratave koncesionare të lidhura, si në industrinë e kromit, ashtu dhe në atë të energjisë elektrike, rezultoi se investimet nuk ishin realizuar në nivelin që ishte parashikuar në projektet e miratuara.

Duhet të theksohet se, nuk ka pasur të dhëna të sakta për impaktin e pritshëm nga dhënia me koncesion e HEC-eve, përqindjen e nevojave për energji që parashikohet të mbulonin ato, impaktin që do të sillnin në zhvillimin e zonave të thella malore, investimet apo të ardhurat që do të realizoheshin

prej tyre, si dhe treguesit e tjerë të lidhur me to, si punësimi etj.

Në pjesën më të madhe të marrëveshjeve nuk ka pasur të parashikuara sanksione në rast të mospërmblotjes së detyrimeve nga ana e koncesionarëve. Edhe kur sanksionet kanë qenë të parashikuara në kontratat koncesionare, nga ana e autoriteteve shtetërore nuk janë marrë masa për zbatimin e tyre.

Në ligjin e ri, nr.9663, datë 18.12.2006 “Për koncesionet”, si procedurë bazë për përzgjedhjen e koncesionarit, si për ofertën e kërkuar, ashtu dhe për atë të pakërkuar, është përcaktuar procedura konkurruese. Negocimi i drejtpërdrejtë është parashikuar të aplikohet vetëm për raste të veçanta dhe me miratim të Këshillit të Ministrave. Gjithashtu, ligji i ri përcakton qartësisht skemën institucionale, kompetencat dhe përgjegjësitë, si dhe procedurat përkatëse që lejojnë një praktikë transparente për të plotësuar në një nivel të ri dosjen e marrëveshjeve koncesionare, me dokumentacionin teknik dhe atë financiar, projektet dhe skemën financiare të administrimit të koncesionit, skemën e monitorimit dhe atë të kontrollit të zbatimit të kontratës etj.

Në këto kushte, KNSH-ja, mori vendimin nr.19, datë 1.11.2007, ku vendosi që:

- Në rastet kur kontratat koncesionare lidhen në bazë të metodës së negociimit, përpara lidhjes së kontratës duhet të merret miratimi i KNSH-së;

- Për asetet që jepen nën çmimin e tregut, të bëhet llogaritja e vlerës reale të tyre nga ekspertë të pavarur dhe, mbi këtë bazë, të llogaritet kontributi i përfutjesit për financimin e investimit fillestar, i cili duhet të jetë të paktën në masën 25%. Nëse për lidhjen e kontratave koncesionare për vënien në përdorim të këtyre aseteve, nuk ndiqen procedurat e tenderit të hapur, për çdo rast duhet të merret miratimi paraprak i Komisionit të Ndhmës Shtetërore;

- Drejtoria e Licencave dhe Menaxhimit të Kontratave në Ministrinë e Ekonomisë, Tregtisë dhe Energjetikës (METE), brenda datës 31 mars të çdo viti të raportojë pranë DNSH-së për të dhënat e zbatimit të skemave të ndihmës dhe çdo ndihme individuale në kuadër të ligjit nr. 9663, datë 18.12.2006, “Për koncesionet”, gjatë vitit paraardhës financiar;

- Drejtoria e Licencave dhe Menaxhimit të Kontratave në METE, të ruajë të dhënat për skemat e ndihmës dhe ndihmat individuale deri pas 10 vjetësh nga data e përfundimit të marrëveshjes së fundit koncesionare në kuadër të zbatimit të këtij ligji.

4.2.3 Skema ekzistuese: ligji nr. 8636, datë 6.7.2000 “Për zonat e lira”, amenduar me ligjin nr. 9789, datë 19.7.2007 “Për krijimin dhe funksionimin e zonave ekonomike”.

Kjo skemë kishte si qëllim shfrytëzimin e burimeve potenciale në nivel lokal e kombëtar, rritjen e fuqisë konkurruese të bizneseve dhe pjesëmarrjen e tyre aktive në tregtinë ndërkombëtare, rritjen e nivelit të prodhimit, eksporteve, shërbimeve e punësimit, nxitjen e investimeve dhe transferimin e teknologjive të avancuara.

Si bazë për dhënien e ndihmës ka qenë ligji nr. 8636, datë 6.7.2000 “Për zonat e lira”, i shfuqizuar me ligjin e ri nr.9789, datë 19.7.2007, “Për krijimin dhe funksionimin e zonave ekonomike”.

Skema fillestare (neni 14 i ligjit), në parim, mbulonte mallrat e importuara si të përjashtuara nga detyrimet doganore, nga taksat e importit dhe lloje të tjera të kontrollit të importit, të cilat, në bazë të legjislacionit doganor të vendit tonë, gjejnë zbatim për mallrat që importohen në zona të tjera të vendit.

Gjithashtu, ligji përcaktonte edhe përjashtimin nga tatimi mbi fitimin për subjektet e licencuar, në 10 vitet e para të veprimtarisë së tyre në zonën e lirë.

Pavarësisht lehtësirave të dhëna, gjatë gjithë periudhës që ka qenë në fuqi ligji nr. 8636, datë 6.7.2000 “Për zonat e lira”, nuk ka pasur asnjë rast konkret të zbatimit të skemës.

Në ligjin e ri nr.9789, datë 19.7.2007, “Për krijimin dhe funksionimin e zonave ekonomike” vazhdon të mbetet në fuqi përjashtimi nga detyrimet doganore dhe përjashtimi nga tatimi mbi vlerën e shtuar. Skema e re nuk përmban elementet e ndihmës në formën e përjashtimit nga tatimi mbi fitimin për 10 vitet e para të veprimtarisë.

Por, në ligjin e ri, nuk është parashikuar ndonjë referencë në dispozitat e ligjit të ndihmës shtetërore për miratimin e zonave të lira, apo të investimeve të veçanta në to. Për çdo plan ndihme individuale apo në formën e skemës, edhe në kuadër të zbatimit të këtij ligji, do të duhet të ndiqen procedurat e përcaktuara në legjislacionin e ndihmës shtetërore. Kjo, pasi incentivat fiskale mund të sjellin një sërë problemesh, të tilla si:

- mungesa e një lidhjeje midis përfitimeve dhe kostove të pranueshme;
- përfitimet nuk janë të kufizuara në kohë apo në vlerë;
- ndihma nuk ka karakter nxitës, pra të krijojë incentiva për të investuar nga ana e përfituesve;
- përfitimet jepen zakonisht në formën e ndihmës operationale, e cila në parim është e ndaluar, me përjashtim të rasteve kur ajo është e mirargumentuar, e kufizuar në kohë dhe vlerë, shkon gjithmonë në ulje etj.

Gjithashtu, në përcaktimin e zonës së lirë, do të duhet të mbahen mirë parasysh edhe kushtet që duhet të plotësojnë ndërmarrjet që do të ushtrojnë veprimtarinë në këto zona ekonomike, në veçanti, ato që lidhen me: llojin e veprimtarisë që do të ushtrohet, kontributin në investime, punësim apo modernizim të veprimtarive ekonomike, afatet e fillimit të veprimtarisë prodhuese ose asaj të shërbimeve.

Në këto kushte, KNSH-ja, mori vendimin nr. 20, datë 1.11.2007, ku vendosi që:

- Në rregulloren për funksionimin e zonave ekonomike, që duhet të miratohet nga Këshilli i Ministrave, në bazë të nenit 8 të ligjit nr. 9789, datë 19.7.2007 “Për krijimin dhe funksionimin e zonave ekonomike” të përcaktohet që për çdo rast të caktimit të zonës ekonomike, apo ndonjë veprimtarie të veçantë në të, në formën e ndihmës individuale, të merret miratimi paraprak nga KNSH-ja, sipas procedurave të përcaktuara në legjislacionin e ndihmës shtetërore.

- Licenca për ushtrimin e veprimtarisë në zonën e lirë duhet të jepet në bazë të kriterëve objektive dhe transparente.

- Në llogaritjen e intensitetit të ndihmës në kuadër të skemave apo në formën e ndihmave individuale nga zbatimi i këtij ligji, të merren parasysh të gjitha format e ndihmave që ndërmarrjet kanë përfituar apo mund të përfitojnë nga burime të tjera shtetërore.

- Në rregullore të përcaktohen edhe sanksionet që zbatohen për ndërmarrjet në rast të mospërmbushjes së angazhimeve të tyre për investime, punësim apo të gjitha kontributet e tjera, të përcaktuara në licencën për ushtrimin e veprimtarisë në zonën e lirë.

- Drejtoria e Përgjithshme e Shërbimeve Tregtare, brenda datës 31 mars të çdo viti të raportojë pranë DNSH-së për impaktin e investimeve dhe realizimin e të gjithë treguesve të tjerë gjatë vitit paraardhës financiar, të parashikuara në licencat përkatëse për ndërmarrjet që përfitojnë në kuadër të skemave apo në formë të ndihmës individuale nga dispozitat e ligjit nr. 9789, datë 19.7.2007 “Për krijimin dhe funksionimin e zonave ekonomike”.

- Të dhënat për ndërmarrjet që përfitojnë nga skemat e ndihmës apo ndihmat individuale, si rezultat i zbatimit të ligjit nr.9789, datë 19.7.2007 “Për krijimin dhe funksionimin e zonave ekonomike”, të ruhen deri 10 vjet nga data e dhënies së licencës së fundit në kuadër të zbatimit të këtij ligji.

4.2.4 Skema ekzistuese: “Për disa ndryshime e plotësime në ligjin nr. 7609, datë 22.9.1992 “Për tarifatat doganore””.

Ligji nr.7675, datë 2.3.1993 “Për disa ndryshime e plotësime në ligjin nr. 7609, datë 22.9.1992 “Për tarifatat doganore” në nenin 3, shkronja “h” të tij parashikonte përjashtimin nga taksat doganore për medikamentet, pajisjet, aparaturat dhe materialet e konsumit mjekësor, pra përmbante elementë të ndihmës shtetërore.

Në kuadër të marrëveshjes së CEFTA-s, janë hequr të gjitha taksat doganore për mallrat dhe pajisjet e importuara. Në këtë kuadër, skema “Për disa ndryshime e plotësime në ligjin nr. 7609, datë 22.9.1992 “Për tarifatat doganore” nuk është më në fuqi.

4.2.5 Një skemë tjetër që aplikon përjashtimin nga taksat është edhe skema ekzistuese: “Për përjashtimin e operacioneve hidrokarbure nga detyrimet doganore dhe TVSH”.

Kjo skemë synon të ndihmojë ndërmarrjet që nënshkruajnë marrëveshje hidrokarburesh dhe nënkontraktuesit e tyre, duke iu ofruar një përjashtim nga detyrimet doganore për pajisjet, makineritë, materialet, si dhe një përjashtim nga tatimi mbi vlerën e shtuar të të gjithë kontraktuesve dhe nënkontraktuesve për realizimin e fazave të kërkimit dhe të zhvillimit të operacioneve hidrokarbure.

Masa e dhënë nuk ka një afat të përcaktuar kohor. Në vitin 2005 dhe 2006 nga skema kanë përfituar tre kontraktues dhe me dhjetëra nënkontraktues, ku përfshiheshin të gjitha kategoritë e ndërmarrjeve (mikro, të vogla, të mesme dhe të mëdha, publike dhe private).

DNSH-ja gjatë vlerësimit të skemës konstatoi se në sektorin e hidrokarbureve funksionon një sistem i veçantë fiskal. Ndërmarrjet që ushtrojnë veprimtarinë në këtë fushë, i nënshtrohen një tatimi

mbi fitimin në masën 50%. Deri më sot, të gjitha ndërmarrjet që ushtronin veprimtarinë e tyre në bazë të kësaj skeme, nuk mbartnin detyrimin për pagesën e tatimit mbi fitimin, sepse nga aktiviteti i tyre nuk ishte zbuluar naftë, pra nuk ishte mundësuar shfrytëzimi i rezervave të reja të naftës dhe gazit dhe, për rrjedhojë nuk ka pasur shitje të produktit.

Megjithatë, nga vlerësimi i zbatimit të skemës në vite, rezulton se nga ana e AKH-së (sot AKBN) janë mbajtur të dhëna të sakta për investimet e kryera dhe të gjitha lehtësirat fiskale që janë përfituar nga kontraktorët dhe nënkontraktorët, rast pas rasti.

Në këto kushte, KNSH-ja, mori vendimin nr. 22, datë 12.12.2007, ku vendosi që:

1. Agjencia Kombëtare e Burimeve Natyrore të raportojë brenda datës 31 mars të çdo viti, të dhënat për rezultatet e zbatimit të marrëveshjeve hidrokarbure në vitin paraardhës financiar.

2. Agjencia Kombëtare e Burimeve Natyrore, të ruajë të dhënat për skemat e ndihmës dhe ndihmat individuale deri pas 10 vjetëve nga data e përfundimit të marrëveshjes së fundit hidrokarbure në kuadër të zbatimit të këtij ligji.

4.3 Falja e detyrimeve të prapambetura dhe gjobave

4.3.1 Skema ekzistuese e shlyerjes së detyrimeve të prapambetura të ndërmarrjeve me kapital shtetëror

Skema ekzistuese e shlyerjes së detyrimeve të prapambetura të ndërmarrjeve me kapital shtetëror është aplikuar për një periudhë afro 5-vjeçare, nëpërmjet një sërë vendimesh të Këshillit të Ministrave.

Skema synon mbështetjen e ndërmarrjeve me kapital shtetëror, nëpërmjet zvogëlimit të shumës së detyrimeve të prapambetura të kontabilizuara në pasqyrat e gjendjes pasurore, kryesisht të sektorit të ujësjellsave dhe minierave. Skema ka filluar të zbatohet që nga viti 2002 dhe fondet e vëna në dispozicion nga Buxheti i Shtetit për këtë qëllim kanë qenë në rënie nga viti në vit. Kjo skemë është përgatitur në bashkëpunim me FMN-së, e cila monitoron rregullisht ecurinë e zbatimit të saj.

Skema gjatë viteve ka mbuluar sektorët e shërbimit të ujësjellsave dhe të industrisë minerare (minierat në likuidim dhe konservim), si dhe disa ndërmarrje të tjera me kapital shtetëror. Gjithashtu, përfitues të tërthortë nga skema janë KESH sh.a dhe Instituti i Sigurimeve Shoqërore, sh.a. Albpetrol sh.a., Armo sh.a.

Masa e dhënë klasifikohet si një ndihmë operationale që jepet për të lehtësuar veprimtarinë ekonomike të ndërmarrjeve përfituese, nëpërmjet reduktimit të një pjese të shumës së detyrimeve të akumuluar. Megjithatë, për sektorin e shërbimit të ujësjellës-kanalizimeve, si sektori kryesor përfitues në kuadër të skemës, mbështetja mund të justifikohet për shkak të natyrës së saj, pasi furnizimi me ujë të pijshëm konsiderohet një shërbim me interes publik.

Ndërmarrjet e sektorit të ujësjellës-kanalizimeve kanë akumuluar në vite shuma të mëdha detyrimesh ndaj KESH sh.a. Shkak për këtë situatë ka qenë menaxhimi i dobët i veprimtarisë së tyre ekonomike në drejtim të kontrollit të humbjeve teknike në rrjet, faturimit të prodhimit dhe arkëtimit të të ardhurave nga faturimet, si dhe detyrimi për ofrimin e shërbimit publik, duke mos orientuar çmimet drejt kostos.

Për vitet 2005 dhe 2006, intensiteti i ndihmës në kuadër të skemës së shlyerjes së detyrimeve të prapambetura, për ndërmarrjet e ujësjellës-kanalizimeve llogaritet në 24,8 %. Duke e akumuluar vlerën e ndihmës për këto ndërmarrje edhe me përfitimet që kanë marrë edhe nga skema e subvencionimit të drejtpërdrejtë, intensiteti arrin në masën 39,6 %. Ndërsa, për minierat në likuidim intensiteti për këtë periudhë llogaritet në masën 14%.

Me vendim të Këshillit të Ministrave nr.660, datë 12.9.2007 aksionet e ndërmarrjeve të ujësjellës-kanalizimeve u transferohen njërive të qeverisjes vendore dhe detyrimet e prapambetura të tyre, deri në çastin e transferimit, do të shlyhen nga Buxheti i Shtetit, duke zhveshur bilancet e shoqërive nga ato detyrime përpara se të kryhet transferimi i aksioneve.

Duke pasur parasysh faktin që skema nuk zbatohet më për ndërmarrjet e sektorëve të industrisë minerare pra vazhdon vetëm për ndërmarrjet e sektorit të ujësjellës-kanalizimeve, si dhe duke vlerësuar që masa lidhet me shpenzimet operationale, por

1. ndihma është e justifikuar për shkak të natyrës së saj, pasi ka të bëjë me veprimtarinë e ndërmarrjeve në një sektor jetik

2. vlera e saj është në përpjesëtim me mangësitë që kërkon të rregullojë, si dhe

3. ndihma është e kufizuar në kohë dhe zvogëlohet në mënyrë progresive (praktikisht skema përfundon së zbatuari me transferimin e paketës së aksioneve te pushteti vendor).

KNSH-ja, mori vendimin nr.21, datë 1.11.2007, ku vendosi që:

- Të lejojë zbatimin e skemës në bazë të rregullores “Për kushtet dhe procedurat e dhënies së ndihmës rajonale”.

- Drejtoria e Përgjithshme e Ujësjellës-Kanalizimeve të raportojë pranë DNSH-së për ecurinë e zbatimit të skemës deri në afatin e transferimit të ndërmarrjes së fundit drejt pushtetit vendor.

- Ministria e Punëve të Brendshme të raportojë brenda datës 31 mars të vitit 2008 pranë DNSH-së për vlerën totale të ndihmës së dhënë ndërmarrjeve të ujësjellësve, në kuadër të skemës, gjatë vitit 2007.

5. Kategoritë e ndihmës horizontale

5.1 Ndihma për punësim dhe për trajnim

Në kategorinë e ndihmave për punësim janë evidentuar 4 skema ekzistuese, të cilat janë hartuar dhe miratuar në zbatim të ligjit nr. 7995, datë 20.09.1995 “Për nxitjen e punësimit”. KNSH-së, pas analizës së bërë nga ana e DNSH-së, vlerësoi se këto skema duhet të rishikoheshin sipas kriterëve që përcakton legjislacioni i ndihmës shtetërore, madje për disa prej tyre u dha vendimi për një rishikim tërësor. Më konkretisht:

5.1.1 Skema ekzistuese “Për programin e nxitjes së punësimit të punëkërkuesve të papunë”

Skema synonte të mbështeste ndërmarrjet që mundësojnë marrjen në punësim të përkohshëm ose në punësim prove të punëkërkuesve të papunë nga lista e zyrës së punësimit, nëpërmjet një financimi mujor të pagës dhe të shpenzimeve për sigurimet e detyrueshme të këtyre personave.

Si bazë për dhënien e ndihmës kanë qenë nenet 6 dhe 8 të ligjit nr.7995, datë 20.9.1995 “Për nxitjen e punësimit”, si dhe pikat 1 dhe 2 të vendimit të Këshillit të Ministrave nr.69 datë 11.2.1999 “Për programin e nxitjes së punësimit të punëkërkuesve të papunë”.

Skema ka filluar zbatimin e saj që në vitin 1999. Mbështetja për ndërmarrjet nëpërmjet kësaj skeme jepej për një periudhë 3-6 muaj. Megjithatë, skema në tërësinë e saj, nuk kishte të përcaktuar afatin e saktë kohor.

Në skemë nuk ishin parashikuar dispozitat sanksionuese për mospërbushjen nga ana e ndërmarrjeve të detyrimeve të tyre në kuadër të skemës dhe as mënyra e raportimit të institucioneve të ngarkuara me zbatimin e saj.

Në vlerësimin e strukturave të kontrollit të ndihmës shtetërore skema paraqitej shumë komplekse dhe nuk përmbante kriteret të qarta për llogaritjen e intensitetit për secilin prej komponentëve të skemës, për kohëzgjatjen e saj, si dhe për monitorimin e impaktit që do të sillte zbatimi i secilit prej komponentëve dhe i skemës në tërësi. Gjithashtu, duke marrë parasysh që në analizë përfshihen edhe vlerat e pagesës së papunësisë dhe ndihmës ekonomike ishte pothuajse e pamundur që, me mënyrën sesi ishte parashikuar në skemë, por edhe në bazë të të dhënave të marra nga MPÇSSHB, të llogaritej dhe të vlerësohej intensiteti i ndihmës për të gjithë skemën.

Në këto kushte, KNSH-ja, mori vendimin nr.11, datë 15. 3. 2007, ku propozoi që skema të rishikohej tërësisht, mbi bazën e kriterëve të përcaktuara në legjislacionin për ndihmën shtetërore. Gjatë procesit të rishikimit, gjithashtu:

- MPÇSSHB të përcaktonte saktë vlerën e intensitetit të ndihmës për çdo komponent të dhënë në skemë, si dhe vlerën e intensitetit total në kuadër të gjithë skemës.

- Të përcaktohej afati përfundimtar i mbarimit të skemës.

- Të parashikohej që të gjitha ndërmarrjet që nuk plotësonin detyrimet e tyre në kuadër të skemës, të kthenin të gjithë ndihmën/subvencionin e marrë, së bashku me interesat, të llogaritura që nga data e dhënies së ndihmës.

5.1.2 Skema ekzistuese “Për programin e nxitjes së punësimit, nëpërmjet formimit në punë”

Skema synon të ndihmojë punëdhënësit që sigurojnë formimin nëpërmjet punës, të personave punëkërkues të papunë, të cilët janë persona profesionalisht të pakualifikuar për proceset e punës.

Si bazë për dhënien e ndihmës kanë qenë neni 6 i ligjit nr.7995, datë 20.9.1995 “Për nxitjen e punësimit”, si dhe pikat 1 dhe 2 të Vendim i Këshillit të Ministrave nr.73, datë 11.2.1999 “Për programin e nxitjes së punësimit, nëpërmjet formimit në punë”.

Skema përmban dy elemente ndihme:

- ndihma për trajnim, nëpërmjet formimit në punë për ata që vetëm trajnohen dhe nuk punësohen pas mbarimit të kursit të formimit; si dhe

- ndihma për punësim pasi ndërmarrja duhet të punësojë të paktën 40% të numrit të përgjithshëm të pjesëmarrësve në formim.

Intensiteti i ndihmës për elementin e parë ishte më i lartë se kufijtë e përcaktuar në ligjin e ndihmës shtetërore për ndihmën për punësim, dhe në rregulloren për ndihmën rajonale për nxitjen e punësimit në ndërmarrjet e vogla dhe të mesme.

Intensiteti total i skemës tejkalon edhe më shumë kufijtë maksimalë të lejuar në legjislacionin e ndihmës shtetërore.

Megjithëse udhëzimi nr.73, datë 14.1.2004 për zbatimin e vendimit të Këshillit të Ministrave nr.73, datë 11.2.1999, synon të përcaktojë procedurat e kontrollit dhe monitorimin e rezultateve të skemës, në zbatimin praktik ka munguar kontrolli i plotë mbi skemën dhe rezultatet e pritshme të saj.

Gjithashtu, në skemë nuk ishte përcaktuar detyrimi për kthimin e ndihmës, nëse ndërmarrjet nuk përmbushin angazhimet e tyre.

Në këto kushte, KNSH-ja mori vendimin nr.12, datë 15.3.2007, ku propozoi që:

- Skema të rishikohej, duke ndarë në mënyrë të qartë komponentin për trajnim, nga ai për punësim,

- Që skema të bëhej e lejueshme duhet ose të ulët niveli i subvencionit, ose të rritet numri i punonjësve të cilët ndërmarrja është e detyruar t'i punësojë për të paktën një vit;

- Elementi i dytë, i paraqitur në pikën 2 të vendimit të Këshillit të Ministrave, duhej të hiqej, pasi tejkalonte kufirin maksimal të intensitetit të lejuar të ndihmës; si dhe

- Të përcaktohej afati përfundimtar i mbarimit të skemës.

5.1.3 Skema ekzistuese “Për programin e nxitjes së punësimit, nëpërmjet formimit institucional”

Skema, në parim, mbulonte të gjitha ndërmarrjet/institucionet private, që ofronin kurse të formimit institucional për punëkërkuesit e papunë të regjistruar në zyrat e punësimit, me kusht që të garantonin punësimin me kontratë të rregullt njëvjeçare të 20% të pjesëmarrësve në kurs.

Si bazë për dhënien e ndihmës kanë qenë neni 11, pika 1, e ligjit nr.7995, datë 20.9.1995 “Për nxitjen e punësimit”, si edhe pikat 1 dhe 2 të vendimit të Këshillit të Ministrave nr.74, datë 11.2.1999 “Për programin e nxitjes së punësimit, nëpërmjet mbështetjes së formimit institucional”.

Edhe kjo skemë përbëhej nga dy komponentë. Komponenti i parë lidhej me trajnimin e personave në vështirësi dhe punësimin e një pjese prej tyre. Ndërsa komponenti i dytë kishte të bënte me përballimin nga ana e shtetit të 60% të kostove të pranueshme për formimin profesional të punëkërkuesve të papunë. Intensiteti për komponentin e parë është mbi vlerën e intensitetit maksimal të lejuar si ndihmë për trajnim specifik (35%) dhe mbi vlerën e intensitetit maksimal të lejuar si ndihmë për punësimin e personave në vështirësi (50%).

Intensiteti i ndihmës për komponentin e dytë të skemës është brenda kufijve të intensitetit maksimal të lejuar për ndihmë për trajnimin e përgjithshëm për ndërmarrjet e vogla dhe të mesme (70%) por mbi kufirin e lejuar për ndërmarrjet e mëdha (50%).

Gjithashtu, karakteri i përgjithshëm dhe i papërcaktuar i skemës deformat në bazë të urdhrave të nxjerrë çdo vit nga Ministri i Punës, Çështjeve Sociale dhe Shanseve të Barabarta, sipas të cilëve bëhej rishikim i grupeve përfitues nga skema, si dhe përzgjedhja e sektorëve që kanë përparësi.

Në këto kushte, KNSH-ja, mori vendimin nr.13, datë 15.3.2007, ku propozoi që:

- Në mënyrë që skema të ishte e lejueshme, intensiteti i ndihmës së dhënë të rishikohej për komponentin e parë, duke mos tejkaluar kufijtë e përcaktuar në legjislacionin e ndihmës shtetërore.

- Për komponentin e dytë u kërkua që të vendosej kushti që në rastin e ndërmarrjeve të mëdha shteti mund të financojë deri në 50% të kostove të përgjithshme të kursit.

- Të parashikohej se në dhënien e mbështetjes financiare ndërmarrjeve të vogla dhe të mesme për përmbushjen e programeve të formimit institucional, do të merren parasysh të gjitha format e mbështetjes që ndërmarrja/et mund të ketë marrë ose merr nëpërmjet programeve të tjera.

- Të përcaktohej afati përfundimtar i mbarimit të skemës.

- Çdo projektakt normativ i Ministrit të Punës, Çështjeve Sociale dhe Shanseve të Barabarta, lidhur me procedurat dhe kriteret e zbatimit të skemës “Për programin e nxitjes së punësimit, nëpërmjet formimit institucional”, duhet të marrë miratimin paraprak të KNSH-së.

5.1.4 Skema ekzistuese “Për programin e nxitjes së punësimit të punëkërkuesve të papunë femra”

Skema, në parim, synon të mbështesë të gjitha ndërmarrjet/institucionet private, që kanë si qëllim marrjen, në punësim me kontratë të rregullt, punëkërkues të papunë femra nga lista e zyrës së punësimit të territorit të Republikës së Shqipërisë, nëpërmjet pagesës së një pjese të kontributit të

sigurimeve shoqërore dhe të pagave të tyre të punës. Skema ka diferencim në kontributin që jep shteti, kur punësimi bëhet me kontratë 1, 2 dhe 3-vjeçare.

Si bazë për dhënien e ndihmës kanë qenë nenet 4 dhe 8 të ligjit nr.7995, datë 20.9.1995 “Për nxitjen e punësimit”, si edhe pikat 1 dhe 2 të vendimit të Këshillit të Ministrave nr.632, datë 18.9.2003 “Për programin e nxitjes së punësimit të punëkërkuësve të papunë femra”.

Intensiteti i ndihmës së dhënë për vitin e parë ose dy vitet e para së bashku është brenda kufijve të përcaktuar në ligjin nr.9374, datë 21.4.2005 “Për ndihmën shtetërore”, ndërsa kur skema zbatohet për të tri vitet së bashku, intensiteti tejkalon vlerën maksimale të përcaktuar në ligj (por jo në rregulloren “Për ndihmën rajonale”).

Megjithatë, edhe këtu karakteri i përgjithshëm dhe i papërcaktuar i skemës, ndryshon me anë të urdhrave të nxjerra çdo vit nga Ministri i Punës, Çështjeve Sociale dhe Shanseve të Barabarta, sipas të cilëve bëhet rishikim i grupeve përfitues nga skema, si dhe përzgjedhja e sektorëve/ndërmarrjeve që kanë përparësi.

Në këto kushte, KNSH-ja mori vendimin nr. 14 , datë 15.3.2007, ku propozoi që:

Në mënyrë që skema të jetë e lejueshme, intensiteti i ndihmës së dhënë të rishikohet kur skema zbatohet për tre vite, ose duke ulur vlerën e kontributit të sigurimeve shoqërore, ose duke ulur numrin e pagave me të cilat kompensohet ndërmarrja.

Në rast se nuk merret parasysh propozimi i pikës 1, MPÇSSHB kur zbaton skemën për tri vite, duhet të vendosë kushtin që ndërmarrja të jetë e detyruar të ruajë vendet e punës edhe për të paktën dy vjet pas përfundimit të vitit të tretë të ndihmës.

Çdo projekturdhër i Ministrit të Punës, Çështjeve Sociale dhe Shanseve të Barabarta, lidhur me procedurat dhe kriteret e zbatimit të skemës, duhet të marrë miratimin paraprak të KNSH-së.

Për të gjitha skemat ekzistuese të ndihmës për punësim, KNSH-së vendosi gjithashtu që autoriteti përgjegjës për zbatimin e skemës të raportonte brenda datës 31 mars të çdo viti, të dhënat për zbatimin e skemës në vitin paraardhës financiar. Këto të dhëna duhet të ruhen deri në 10 vjet, pasi është dhënë ndihma/subvencioni i fundit në kuadër të skemës.

MPÇSSHB, pasi u njoh me vendimet e KNSH-së, u shpreh dakord lidhur me propozimet e bëra dhe këtë gjë po e konkretizon me rishikimin tërësor të Vendim i Këshillit të Ministrave nr.69, datë 11.2.1999 “Për programin e nxitjes së punësimit të punëkërkuësve të papunë” dhe vendimit të Këshillit të Ministrave nr.73, datë 11.2.1999 “Për programin e nxitjes së punësimit, nëpërmjet formimit në punë”. Gjithashtu, është bërë amendimi i vendimit të Këshillit të Ministrave nr.632, nëpërmjet vendimit të Këshillit të Ministrave nr.508, datë 8.8.2007 “Për një ndryshim dhe shtesë në vendimin nr.632, datë 18.9.2003 “Për programin e nxitjes së punësimit të punëkërkuësve të papunë femra”, ku janë pasqyruar të dy kushtet e përcaktuara në vendimin e KNSH-së.

6. Sektori i bujqësisë

Sektori i bujqësisë dhe i peshkimit është i përjashtuar nga fusha e zbatimit të ligjit nr.9374, datë 21.4.2005 “Për ndihmën shtetërore”.

Megjithatë, në bazë të kapitullit II të MSA-së dhe marrëveshjes për bujqësinë të OBT-së, vendi ynë ka detyrime për ndihmën shtetërore në fushën e bujqësisë, të cilat janë shprehur në mënyrë substanciale në tekstin e marrëveshjes. Ndërsa detyrimet specifike për vendin, janë paraqitur në aneksin e Marrëveshjes për bujqësinë të OBT-së, ku thuhet se maksimumi i lejuar i subvencioneve në bujqësi nuk duhet të kalojë 5% të GDP-së së sektorit për vitin përkatës.

Për 3 skemat ekzistuese të raportuara nga Ministria e Bujqësisë, Ushqimit dhe Mbrojtjes së Konsumatorit (MBUMK), KNSH-ja, pas kategorizimit të tyre, ka dhënë rekomandimet përkatëse. Format e përdorura të ndihmës kanë qenë:

- përjashtimi, ulja dhe diferencimi nga taksat, konkretisht në skemat “Për përjashtimin nga akciza e karburantit të përdorur në linjat e agropërpunimit” dhe “Për përjashtimin nga tatimi mbi vlerën e shtuar të ndërmarrjeve të vogla dhe të mesme në sektorin e përpunimit të qumështit, ullirit, rrushit dhe bluarjes së grurit”, si dhe

- garancitë mbi kreditë ose dhënien e kredive me norma interesi të ulëta, ku përfshihej skema “Për huanë e butë që jepet për makineritë bujqësore dhe për linjat e agropërpunimit”.

Nga analiza e këtyre skemave, pavarësisht veçorive të secilës prej tyre, u vu re se:

- Mungonin të dhënat për llogaritjen e vlerës së ndihmës, sipas sektorëve e nënsektorëve përkatës, gjë që e bën të pamundur përcaktimin e intensitetit të tyre
- Mungonte një klasifikim i plotë i përfituesve në bazë të sektorëve përkatës;
- Mungonte analiza e leverdisshmërisë së investimeve të kryera e, për rrjedhim, edhe e impaktit ekonomik që ato sjellin.

Në këto kushte, KNSH-ja, rekomandoi që:

- MBUMK-ja të bëjë një klasifikim të saktë të subjekteve përfituese mbi bazën e nënsektorëve të veçantë dhe të administrojë të dhënat për secilën nga ndërmarrjet që kanë përfituar duke llogaritur, njëkohësisht, edhe vlerën totale të ndihmës.

- Llogaritja e intensitetit të skemës, të bëhet duke iu referuar treguesve të GDP-së së secilit prej nënsektorëve, duke mos kaluar në asnjë rast kufirin prej 5% të përcaktuar në Marrëveshjen e OBT-së.

- MBUMK-ja të marrë parasysh vlerën kumulative të të gjitha skemave të ndihmës që jepen në sektorët e bujqësisë, pasi kufiri prej 5% përfshin të gjitha format e ndihmës për këta sektorë.

Në përfundim të këtij raporti mund të thuhet se, nga ana e dhënësve të ndihmës në nivel qendror, ka filluar me seriozitet puna për përshtatjen e skemave ekzistuese të ndihmës shtetërore me kriteret e përcaktuara në legjislacionin e ndihmës shtetërore. Shembull për këtë janë përgatitja dhe miratimi i ligjeve të reja në fushën e turizmit, koncesioneve dhe zonave të lira. Gjithashtu, masa po merren në sektorin e ujësjellës-kanalizimeve, si dhe në atë të transportit hekurudhor, për zbatimin e masave të propozuara nga KNSH-ja.

Tabela e inventarit të skemave ekzistuese të ndihmës shtetërore

Nr.	Nr. regjistrif	Titulli i skemës	Spektori përfitues	Kategoria e përgjithshme e ndihmës	Forma konkrete e ndihmës	Vlera totale e ndihmës (milione lekë)	Intensiteti në %	Dhënësi i ndihmës	Ajensia zbatuese	Objektivat e ndihmës	Baza ligjore (akti normativ)	Vendimi i KNSH	Fletore Zyrtare
1	AV011/2005	Për huatë e bujë që jepet për makineritë bujqësore dhe për linjat e agropërpunimit	Bujqësi-agropërpunimi	Huë shtetërore	Huë me interes të buta nën vlerën e tregut	828.07 milion lekë		Ministria e Bujqësisë, Ushqimit dhe Mbrojtjes së Konsumatorit		Nxjiza e SME-ve për kryerjen e investimeve	Ligji nr. 8828 datë 05.11.2001 "Për rrafshin e "Marrëveshjes së kreditit të zhvillimit ndërmjet Qeverisë së Republikës të Shqipërisë dhe Shoqatës Ndërkombëtare për Zhvillim (IDA) për Projektin e "Shtetërore Bujqësore"	Nr. 2, datë 20.10.2006	Nr. 117, datë 15.11.2006
2	AV010/2004	Për përjashtimin nga akciza e kaburimit të përdorur në linjat e agropërpunimit	Bujqësi-agropërpunimi	Lehtësi fiskale	Përjashtim nga taksa e akcizës për lëndë të djegëse		n.a	Ministria e Bujqësisë, Ushqimit dhe Mbrojtjes së Konsumatorit		Ndihme për fermerët	Neni 19 i Ligjit nr. 8976, datë 12.12.2002 "Për Akcizat"	Nr. 3, datë 20.10.2006	Nr. 117, datë 15.11.2006
3	AV009/2005	Për përjashtimin nga tatimi mbi vlerën e shtuar të ndërmarrjeve të vogla dhe të mesme në sektorin e përpunimit të qumështit, ullit, mushit dhe bujarisë së grurit	Bujqësi-agropërpunimi	Lehtësi fiskale	Përjashtim nga TVSH		10% pra është 5% më pak nga kushti i parashikuar në dispozitën e Ligjit "Për ndihmën shtetërore"	Ministria e Bujqësisë, Ushqimit dhe Mbrojtjes së Konsumatorit		Nxjiza e prodhimit bujqësor nga SME	Ligji nr. 9162 datë 18.02.2003 "Për dëshmues dhe ndryshime në ligjin nr. 7928 datë 27.4.1995 "Për taksimin mbi vlerën e shtuar"	Nr. 4, datë 20.10.2006	Nr. 117, datë 15.11.2006
4	AV014/2005	Për subvencionimin e ndërmarrjeve të ujësjellës-kanalizimeve	Ujësjetës-Kanalizime	Grante	Subvencion nga Buxheti i Shtetit	3,902.00	14	MPPTT	Drejtoria e Përgjithshme e Ujrave	Kompensimi i kostos së ofrimit të shërbimit publik/sipërzimeve operative	Ligji për buxhetin e shtetit në vit	Nr. 5, datë 20.10.2006	Nr. 117, datë 15.11.2006
5	AV015/2005	Për subvencionimin e Hekundhëve	Transporti Hekundthor	Grante	Subvencion nga Buxheti i Shtetit	2,560.00	50.8	MPPTT	Ministria e Punëve Publike Transportit dhe Telekomunikacioneve	Kompensimi i kostos së ofrimit të shërbimit publik të transportit të udhëtarëve	Ligji për buxhetin e shtetit në vit	Nr. 8, datë 20.02.2007, Nr. 15, datë 15.03.2007	Nr. 13, datë 16.02.2007, Nr. 31, datë 23.03.2007
6	AV006/2005	Për programin e ndihmës së punësimit të punëkërkuesve të papunë	Punësimi	Grante	Subvencion nga Buxheti i Shtetit	267.20	n.a	Ministria e Punës, Çështjeve Sociale dhe Shansave të Barabarta	Shërbimi Kombëtar i Punësimit	Nxjiza e punësimit	Neni 6 dhe 8 të ligjit nr. 7995 datë 20.09.1995 "Për rregullimin e punësimit", pikat 1 dhe 2 e VKM-së nr. 69 datë 11.02.1999 "Për programin e ndihmës së punësimit të punëkërkuesve të papunë"	Nr. 11, datë 15.03.2007	Nr. 31, datë 23.03.2007

Tabela e inventarit të skemave ekzistuese të ndihmës shtetërore

Nr.	Nr. regjistrimit	Titulli i skemës	Sektori përfitues	Kategoria e përgjithshme e ndihmës	Forma konkrete e ndihmës	Vlera totale e ndihmës (milione lekë)	Intensiteti në %	Dienësi i ndihmës	Agjensia zbatuese	Objektivat e ndihmës	Baza ligjore (akti normativ)	Vendimi i KNSH	Fletore Zyrtare
7	AI/006/2/2005	Për programin e ndihjes së punësimit, nëpërmjet formimit në punë	Punësimi	Grante	Subvencion nga Buxheti i Shtetit	433.70	> 71.4 %	Ministria e Punës, Çështjeve Sociale dhe Shansave të Barabarta	Shtërbimi Kombëtar Punësimi	Nxijën e punësimit	Neni 6 ligji nr. 7995, datë 20.09.1995 "Për nxijën e punësimit", pika 1 e VKM-së nr. 73 datë 11.02.1999 "Për programin e ndihjes së punësimit, nëpërmjet formimit në punë"	Nr. 12, datë 15.03.2007	Nr. 31, datë 23.03.2007
8	AI/006/3/2005	Për programin e ndihjes së punësimit, nëpërmjet formimit institucional	Punësimi	Grante	Subvencion nga Buxheti i Shtetit	107.50	80 %, 60 %	Ministria e Punës, Çështjeve Sociale dhe Shansave të Barabarta	Shtërbimi Kombëtar Punësimi	Nxijën e punësimit	Neni 11, pika 1, e ligjit nr. 7995, datë 20.09.1995 "Për nxijën e punësimit" dhe pikat 1 dhe 2 të VKM-së nr. 74 datë 11.02.1999 "Për programin e ndihjes së punësimit, nëpërmjet mbështetjes së formimit institucional"	Nr. 13, datë 15.03.2007	Nr. 31, datë 23.03.2007
9	AI/006/4/2005	Për programin e ndihjes së punësimit të punëkërkuessve të papunë femra	Punësimi	Grante	Subvencion nga Buxheti i Shtetit	73.57	35 %, 46.9 dhe 56 %	Ministria e Punës, Çështjeve Sociale dhe Shansave të Barabarta	Shtërbimi Kombëtar Punësimi	Nxijën e punësimit	Nenet 4 dhe 8 të ligjit nr. 7995, datë 20.09.1995 "Për nxijën e punësimit" dhe pikat 1 dhe 2 të VKM-së nr. 632 datë 18.09.2003 "Për programin e ndihjes së punësimit të punëkërkuessve të papunë femra"	Nr. 14, datë 15.03.2007	Nr. 31, datë 23.03.2007
10	AI/004/2/2005	Për zhvillimin e zonave që kanë përparësi turizmin	Turizmi	Lehtësi fiskale	Perjashtimi nga taksat e transferimit mbi dividendët, nga taksat doganore dhe akcizat mbi mallrat e sendet e importuara, nga taksat mbi fitimin, etj. ...	n.a	n.a	Ministria e Turizmit, Kulturës, Rinisë dhe Sporteve	Agjensia Kombëtare e Turizmit	Nxija e investimeve në sektorin e turizmit	Ligji nr. 7665, datë 21.01.1993 "Për zhvillimin e zonave që kanë përparësi turizmin" shfuqzuar me ligjin nr. 9734, datë 14.05.2007 "Për turizmin"	Nr. 18, datë 1.11.2007	Nr. 159, datë 30.11.2007
11	AI/003/2/2005	Për koncesionet	Koncesionet	Lehtësi fiskale, Garanci shtetërore	Perjashtimi nga taksat mbi fitimin, tarifat doganore, taksat e qarkullimit, taksat mbi importet, reduktimi i taksave, garanci të ndryshme shtetërore, si: sigurimi i aseteve, garantimi i blerjes së mallrave apo shërbimeve, etj.	2, 241.02 milion lekë për vitet 2001- 2007	n.a	Ministria e Ekonomisë Tregëtisë dhe Energjetikës	Drejtoria e Licensave dhe Koncesioneve	Nxijën e investimeve	Ligji 7973, datë 26.07.1995 "Për koncesionet" shfuqzuar me ligjin nr. 9663, datë 18.12.2006, "Për Koncesionet".	Nr. 19, datë 01.11.2007	Nr. 159, datë 30.11.2007

Abonimet vjetore për Fletoren Zyrtare mund të bëhen pranë Postës Shqiptare ose pranë Qendrës së Publikimeve Zyrtare, në adresën: Bulevardi “Zhan d'Ark”, prapa ish-ekspozitës "Shqipëria Sot", nr.tel: 04 258 472 (Kryeredaktori)
 Çmimi i abonimit në postë për Fletoret Zyrtare 2008 është 16 000 lekë.
 Çmimi i abonimit në QPZ është 14 000 lekë pa detyrimin e shpërndarjes në adresa.

BOTIMET E QENDRËS SË PUBLIKIMEVE ZYRTARE

- | | |
|--|-----------|
| 1. KUSHTETUTA E REPUBLIKËS SË SHQIPËRISË | 600 lekë |
| 2. REGJISTRAT E NOTERISË | 1000 lekë |

BOTIME TË REJA (Të përditësuara gusht 2007)

KODI PENAL	210 lekë
KODI I PROCEDURËS PENALE	332 lekë
KODI PENAL dhe KODI I PROCEDURËS PENALE (i bashkuar)	542 lekë
KODI CIVIL	408 lekë
KODI I PROCEDURËS CIVILE	224 lekë
KODI I PUNËS	138 lekë
KODI I FAMILJES	244 lekë
KODI I PROCEDURËS ADMINISTRATIVE	88 lekë
• Vendime të Gjykatës Kushtetuese	700 lekë
• Vendime të Gjykatës së Lartë	1000 lekë
• Përmbledhje legjislacioni për nëpunësin civil	200 lekë
• Përmbledhje legjislacioni në fushën e tatimeve dhe taksave	273 lekë
• Përmbledhje e legjislacionit për pasuritë e paluajtshme (Vol. I -192 lekë; Vol. II – 168 lekë, Vol. III – 185 lekë)	

Hyri në shtyp më 30.1.2008
 Doli nga shtypi më 30.1.2008

Tirazhi: 3500 copë	Formati: 61x86/8
--------------------	------------------

Shtypshkronja “Nënë Tereza”
 Tiranë, 2008

Çmimi 43 lekë